



徐公文集卷第十一

東海徐鉉

舒州周將軍廟碑銘

壽州刺史劉公神道碑銘

唐故德勝軍節度使扶風馬_斤公神道碑銘

舒州周將軍廟碑銘

將軍諱瑜字公瑾廬江舒人也吳史列傳功柄乎丹青
皖城遺祠頌闕乎金石嗚呼皇天有造物之柄有愛民
之仁必待聖人而後行王者有承天之德有濟世之量
必待聖人而後發故天人合應聖賢相須民之司命關
一不可雖復凌雲之今上御名非一木之材千金之裘非一狐

之腋然其建大號運長策摠攬英傑弘濟艱難亦一二
人而已故革夏者九有之師而伊尹為阿衡翦商者三
千同德而呂望為尚父秦為無道高祖誅之則酈侯蓋
於羣后莽據閔位光武正之則仲華冠於四七漢宗失
御孫氏奮發破虜討逆繼志勤王而將軍傾蓋于千載
之期濡足於百六之會策名江左宣力中朝殊勲盛烈
曠代齊契何其偉哉于時王業始基羣克方熾國難荐
及人心屢搖將軍精發于中義形于色履艱危之際貞
節彌堅率振蕩之眾伸威方厲推誠以明大義故逆折
游說之鋒屈身以表至公故首定君臣之敬摧赤壁之

陣勢動九州建漢中之謀量包四海於是強敵攝迹羣
生延頸姦雄之智無所施焉漢室之隆未可量也嗚呼
天未悔禍國之不幸修塗止於偏師大命殞于巴丘流
慟于當時遺恨于終古豈四百之祚歷數難移三分之
基疆宇有限不然何雄才大略神授之如彼短命促齡
天奪之若此忽乎茫昧不可得而詳也夫英聲由于茂
實元功出于全德威稜所及非勉強之攸能績用斯存
豈毀譽之可奪有吳為新造之國柴桑乃觀望之師大
帝非爭衡之才子布有私室之顧將軍投袂而起橫戈
以出魏蜀二主天下英雄或垂翅而宵奔或俛首而求

抹降茲以往烏足道哉至於分財推宅之仁觀樂審音之妙知人先覺之哲存交服物之懷實天縱其能亦行有餘力矣嗟夫民墜塗炭真主所以矜瘠天造草昧良佐所以驅馳非君臣同體不足以濟大業非帷幄共斷不足以制橫流將軍能沮幼生之譚而吳主亦能拒敵國之間將軍能畫不世之策而吳主亦能破羣疑之心故得不顯霸功若斯之盛當此時也如趙士之碌碌漢相之齷齪徒使有若林之會安能施一繩之維又况於市道之交署門之客哉此義夫節士所以感激于風雲惆悵于時運者也嗚呼微管之績既耀于中區盛德之

祀遂崇於東夏歷世逾遠善慶彌彰翼子謀孫徙封移社而支庶繁衍故在舒庸名樹猶存魯堂無壞光靈不泯實生太尉中書令西平恭烈王焉半千之運懸符祖德萬夫之望允濟時屯始為定亂之雄終為佐命之老而仁風所被多在故鄉王與嗣子鄴皆節度廬江今仲子祚復刺舉瀟部過里門而載軾瞻廟貌而長懷命梓人以新其堂與督里宰以除其徑術教祝史以潔其邊豆率宗屬以荐其孝思肇建豐碑以永前烈懿哉象賢之美共理之勤民用接和歲則大有戾夫不佞敢作頌云

皇天上帝敷佑下民既命賢主亦生賢臣有若將軍救
時之屯仗義秉信資忠輔仁堂堂定策睿睿忘身雄飛
夏口橫荐江陵將軍猶生漢室不傾將軍既歿天下三
分盛德之享嚴祠未墮壯夫擊節義士沾巾猗歟舊德
赫矣雲孫嗣勲纂服長戟高門壽公宮有煥靈貌如存我
紆蘭佩來挹犧樽懷賢慷慨用獻斯文

大唐故府時啟運功臣清淮軍節度壽州觀察

處置等使特進檢校太傅使持節都督壽州諸

軍事壽州刺史御史大夫上柱國彭城威侯

贈太尉劉公神道碑

聞夫郊圻內理牧萬民者是曰諸侯夷狄外攘守四方
者其惟猛士然則安危異任文武殊塗故天下方爭韓
彭英吳橫雕戈而震耀羣生待理龔黃寇賈擁阜蓋以
從容及夫昭格寰區紛綸簡冊其歸一也代有人焉若
乃摠是全謨覃于奕葉流光受社潛齊累將之家崇德
計功下視慙鄉之族古難具美我則兼之公諱崇俊字
德修其先彭城人高祖升調補山陽淮陰尉遂家焉即
為縣人也岳峻洪基海䟽遙派陽城相土千齡侯伯之
封沛澤中興兩代帝王之猶懷黃結紫論鼎甲以盱衡
刻像圖形誓山河而捧袂國史家牒披卷可知頃者聖

運中微羣方暫擾驪山之北犬戎興戲水之師踐土之
庭天子屈河陽之召公路擁南陽之衆僭號仲家隗囂
據隴右之圖坐論西伯勤王問罪吳太祖始定揚州賜
朕專征昭皇帝遂加殊禮于是揚旌北討遷寇迹于淮
濱關土西封謀守臣于諸將命我顯祖作牧鍾離乃曰
堡障之嚴載施犬馬之備軍無耗政將期千萬之行師
有見糧即聚九年之蓄方圖大舉已仗前爰永年不登
未幾而歿長山羣盜舊畏來公西城故營願從班勇復
命烈考嗣膺使符不還渭水之兵誓卒龍門之託故募
城之戰斬獲過當汝陰之圍策勲居最先零委質闕充

國以無由獫狁驚菟射郢都而不中疇庸錫羨建清淮
軍以壯中權加禮慎終贈太尉公以光幽窆既而鼓鼙
悽愴部曲徘徊家有遺恩人思世德帝曰崇俊惟爾恭
儉孝友誠明惠和任則中軍帥位則文昌長誕舉攸職
予惟汝嘉濠梁之郊控扼遐裔惟乃祖金克懋厥始乃
考仁規克慎厥中肆予命爾克成厥終往哉汝諧無廢
朕命公銜卹奉詔墨經即戎鋪陳政經討閱軍寔思有
以光大前緒播揚國風初二先公之理也屬洛邑再遷
浚郊作梗偽新竊據仍延十五之期黃武開元始創三
分之業犬牙之地蠶尾常搖鋒鏑縱橫車徒奔走摧牙

後馬權卷之二
獸困尚遙斥復之謨頰尾魚勞未暇綏懷之術逮公之
理也寇皆遠遁民佇息肩千里風從四方聳聽以為格
物必在於立制也故藝貢賦以息貪暴之端暢刑章以
極姦宄之極賞不虛授罰其必行以為富邦必在於務
本也故使民以時相地之利持未熟之稻游惰自遷班
再易之田兼并絕倖以為邊寧不可以忘武備也故遠
斥候浚溝隍竹與木而靡遺膏與苦而畢給亭障屹峙
軍聲隱然以為強兵必在於實王畿也故招懷邊氓講
習戎事游兵異馬俱為無犯之容晉勇齊雄並集選和
之下歲揀精銳歸之京師其餘庶政常經門見戶睹斯

可畧而言也高皇帝禮均元老寵冠列藩受禪之初則
進上公之秩肆類之際則委廉使之權言必見從無再
却之奏君常高枕忘北顧之憂皇上欽奉重熙聿遵無
改毗倚尤重親敬有加初先太尉公之薨也西北小驚
戒嚴從便因詔執事移清淮軍于壽春及是復立定遠
軍即命公為節度使仍以公少子_斥符尚永嘉公主留
侯操印初躋上將之壇帝子吹簫即降王姬之館優禮
伯舅望重懿親於時公涖濠梁十有七年矣米鹽皆序
丞史當才閑閤罕爭舉烽無驚_言朝廷以公能光前烈雅
得邊情清淮之師遺風仍在俾盛一家之美載嚴萬里

之城改壽州刺史充清淮軍節度使鄧侯倏去雞鳴傷
父老之心長者負來虎渡息鄉閭之患能事畢舉考功
再暮方將建大旆以風驅指函關而雷掃雲中雞犬公
公之迹徒存夢裡膏肓二豎之妖遂作春秋四十保大
四年夏六月十有六日薨于壽春公署皇上剪鬚靡及
穿壁方遙投綠沈之衣悲哀竟日賜黃銀之帶慷慨沾
襟廢朝三日中使護葬詔兵部侍郎李貽業持節冊贈
太尉賜謚曰威即以其年秋九月十五日備鹵簿鼓吹
葬於濠州鍾離縣大化里之原禮也前夫人李氏後夫
人隴西郡君李氏皆太師趙忠懿王女也賴鄉仙李即

開柱史之源參野飛龍遂紀宗卿之籍勲庸六鎮時高
謝氏之門師範兩朝室有班姬之訓荃蘼蘭蕙映戚里
以芬芳藻苻蘋蘩播婦儀而昭哲門內之理夫人有焉
子八人二子幼長子節早亡次範滁州刺史次簡次策
次霸時未任次符秘書郎或得公之政事或得公之兵
鈐學禮學詩惟忠惟孝皆推酥酪之味咸有芝蘭之芳
所謂積善餘慶世濟其美者也惟公山河龍鳳凝粹彩
於神姿緯候風雲集淵謀于靈府議公家之事不以身
為行將軍之令每由剛克卒祖禰之成業可謂聿修膺
牧伯之寵章沆無虛授所以始終匪玷福祿攸歸同族

之間朱輪結軌季父仁瞻作鎮夏口弟崇恪崇僖更典
晉陵其餘將軍列侯中郎校尉銀黃照爛光浮通德之
門珩珮陸離響雜高陽之里苟非自天攸相與國無疆
其孰能與於此乎向使享大年敷遠畧鴻飛鵬舉功未
可量也天命不然能無永悼昔者荊州從事猶牽墮淚
之悲碑太宰舊寮亦有懷鈞之請况乎世功丕顯揭日月
以高驥帝念惟隆會雲龍而下濟欲垂萬葉可不務乎
微臣職典絲綸詞非清潤持赤管以承詔拂貞珉而投
刃庶使蚩蚩萌隸觀迹而長懷眇眇未雲披文而盡信
其銘曰

惟彼陶唐有此冀方自天祐之後嗣其昌侯遷魯縣帝
德芒碭猗那大族嵩華配長颯颯颯彭城興我遐祚顯顯
山陽著我高祖高祖伊何仁而不遇慶鍾令孫幸來用
武皇運中否諸侯起爭浚郊帖亂淮濡不庭吳王奮發
受鉞專征命我顯祖守濠之城濠城巖峻濠兵驍勇顯
祖帥之羣兇震振恐將軍下世邊烽亦聳乃命象賢荷時
之寵荷寵伊何載大其功蠢蠢梁寇言言頽墉是馘是
俘兵無頓鋒爰有竒略集于威公威公嗣侯不墜其訓
戎事之隙民功是振為之中典著之令問泗上風移京
師河潤帝曰伯舅予嘉乃勲扞境則武安邦則文乃降

王姬于爾慶門乃改乘轅于彼西軍西軍何在鎮彼衛
霍威公來思式遏寇虐胡馬已遠將星俄落百身寧贖
九原誰作明明天子惻愴聞輦歲云秋止返旆遲遲二
藩士女泣涕漣洏賢侯逝矣吾誰與歸黯黯塗山湯湯
淮涘駟馬悲鳴滕公所閉甘棠勿剪召伯攸憇是用刊
碑永告來裔

唐故德勝軍節度使檢校太保同中書門下平

章事扶風馬_斤公神道碑銘

夫道被萬物處其中者是曰賢人功濟橫流讓其先者
方稱君子施之則開物成務與廣業而同歸卷之則保

族宜家垂令名於必大是以長沙吳芮繁祉邁於三雄
南陽賈復賁罷於四七歷代已降靡不由之迄于我朝
朝則扶風公其人矣公諱仁裕字德寬其先扶風人子
孫或從官於徐方今為彭城人也粵若萬邦作乂益有
佐禹之功因封受氏奢有却秦之績公侯必復關西靡
孟起之威文武未墜南郡被季長之德存乎譜牒無俟
闡揚曾祖某祖某皆以鹵介之氣當屯蒙之運不履王
侯之事歸全父母之邦考某少負雄名為武寧軍裨將
才高位下厥用弗昭累贈尚書右僕射傳曰有明德而
不顯當代後必有興者故其餘慶集於我公惟公克稟

粹靈夙彰竒應方娠而神貺協夢既生而異氣充庭宗
族相驚里閭交慶識者謂之曰不意英物復鍾此兒天
將啟之馬氏為不朽矣長而爽邁輔以博聞善無常師
器以虛授乃皇圖中否赤縣淪災戰國縱橫爭求策士
孔門堂奧半作家臣公負先見之明審擇君之義舉旗
沛澤即授中涓定難京師仍叅主簿而上方從歷試允
懋臣功經綸草昧諮訪遺闕公親侍左右日奉謨猷能
知四國之為且掌賓客之禮勞無伐善夙夜不離于公
美則歸君議論莫闕其際出入二紀懋肩一心車服以
庸寵祿來假乃升朝序乃掌禁師以左領軍將兼總丞

相之兵衛申令惟一任衆惟睦推以恩信先之勤勞周
廬既嚴軍士以簡考績稱最帝用嘉之遷檢校司徒遙
兼宿州刺史夫千騎之長可以圖功百城之權可以觀
政中外迭處抑惟舊章即授楚州刺史本州團練使旬
服之際邦賦是繁長淮之衝戎寄為急公奉揚王略遵
舉詔條人不易方計日而治徵為右衛大將軍復領舊
兵以衛相府董齊之略有踰于初明年改右金吾大將
軍以扶風縣三百戶為封邑執金之職歷代雄重綿祀
虛位公首居之內訓却非之士外察苛留之禁熊羆宣
力輦轂無塵及上允膺內禪光啟建業寺府軍衛半存

舊京委公留臺右師俾率東夏即遷檢校太保改右天
威副統軍進爵為伯陝服從入公有力焉及叅告類之
儀益光求舊之舉寵開幕府遙領徐方進封郡侯定食
千戶左輔之地王業所基藩屏京師惟公攸賴乃移使
節徃鎮京口公慈惠著于郡國威德洽於士心由是齊
人向風期年報政加同中書門下平章事廬州節度觀
察等使自南北分隔戎華交馳合肥之郊常制衝要故
有台階之命以增外閫之威公於是謹斥候審號令習
組練之士則聲如颺馳嚴堡障之脩則勢若山立虜不
敢犯邊是以寧而察俗之方如南徐之理方當矢謨帷

辰薄伐關山渡江之誓既陳斥斥渭之舟已具嗚呼良圖
未展早命不融春秋六十有三昇元六年閏三月五日
薨于廬州公署上省奏震悼廢朝三日即用玄甲之數
式擬鐵山之功給于官司臨以中使奉常以視履考祥
之義循貞心大度之美詳協公論易名曰斥斥即以其年
四月七日脩鹵簿儀衛葬於廬州合肥縣鄉里禮也公
娶同郡萊氏封彭城郡君麗穠李之華親采蘋之職理
內協鵲巢之詠從貴有魚軒之華某年月日先公而逝
嗣子右弓箭庫使光庭東頭供奉官光祚閣門承旨光
紹皆稟義方無忝遺烈家承膏梁之後而恭順克修職

在綺紈之間而雅素自若君子謂扶風公其有後乎夫
碑頌之設有自來矣琬琰之細既垂於苔華盤盂之微
又叅于警戒若乃道合天眷忠存王家累輔翼之功而
鐘鼎之報固闕享將相之賞而帶礪之誓弗渝時無間
言沒有餘位故其宗廟之紀金石之銘昭示來雲不可
誣也小臣不學奏旨刊文庶使計功稱德代遠而愈信
披文相質事久而彌芬峴首之懷靡盡昆吾之烈長存
嗚呼哀哉其銘曰

蓋作朕虞實曰元凱崇基締業明德攸在維趙于蕃封
移族改祚實刊山源長巨海因枝別代覲渭來遷導德

絳帳勤王跼鳶流光襲祉映後昭前懷黃結紫著簡成
編誕發材英肇惟明懿鼎角膺竒龜文履異博容汎愛
入孝出弟運有屯蒙器無凝滯爰初發迹雲從潛泉濯
纓職幟拊翼中涓良驥處服忘歸在絃樞機言行無競
惟賢繾綣從君匪伊履屐勤毖前爰周旋陞戟居國必
聞在身無擇帝爰允諧昨乃丕績惟彼淮泗疆以獯夷
惟此京浙纘以邦畿封淮表浙惟惠惟威椒蘭在俗轅
轍興思羣舒待理檢狃孔棘帝謂侯氏纘服新息式固
爾猷惠此廬國乃陟台階俾藩于北龍旆齊四牡鈎膺鏤
錫命服有煒光聲載揚擴狄弭耳蚩眚嚮方上儀像物

徐公文集卷第十一
下謚飛蝗梁木或顛通川有逝長城既嚴哲人永瘁像
著雲臺風存遐裔輟春盡思瞻山殞淚信結殊俗悲深
上旻丹碑既刻列鼎書勲初連不泯庸器長存丕顯百
代惟子有臣

徐公文集卷第十一

徐公文集卷第十二

東海徐鉉

茆山紫陽觀碑銘

池州重建紫極宮碑銘

唐故道門威儀左博太師貞素先生王君之碑

袁州宜春縣重造紫微觀碑文

舒州重建文宣王廟碑序

茆山紫陽觀碑銘

臣聞太初之氣其生也無始衆妙之門其本也無名積
而成形散而為器乾坤運之而兩儀位王侯受之而天
下身是故斷鼇鍊石之地絕地通天之業衣裳軒冕之

后干戈揖讓之君雖復遭罹異途步驟一致莫不契協
 於神明之域飲和于道德之原廣無為之為執無象之
 象萬物恃生而不有百姓日用而不知其迹也則格天
 光表先人而成俗其本也則收視返聽全真而養身至
 其玉檢登封蘿圖啟後游神象外脫屣區中鑄金鼎而
 乘白雲登寒門而立玄極闕宮清廟式嚴觀聽_德之場玉
 洞金壇別啟下都之所由是靈符摠集真籙岐分三元
 八會之文潛通髣髴七映九華之室密擬形容足以徼
 福應於含生致孝思于時事聖人繼作雲_{今上}相望故節
 山紫陽觀者今上敬為烈祖孝高帝元敬皇后之所重

修也爾乃星紀儲精下為峻極河圖著錄懸示禎期自
 道氣融明真科流衍治化宏開于赤縣符圖廣秘於名
 山而華陽洞天實羣仙之都會金陵地肺又三茅之福
 鄉左憑柳汧煙霞韜映右帶陽谷川原隱轡伏龍靡迹
 鎮以雷平之嶺鬱岡迴合浸以護軍之潭郭真人叩舷
 之池不遷留岸許長史煉丹之井自列寒泉白露紫烟
 照映其上飈輪鶴馭往來其間高真七人四處茲地其
 後貞白先生以玄德應世肇開朱陽之館以玉書演秘
 爰立昭真之臺堂靖䟽基玄州之蹤可擬生徒廣業白
 龜之迹斯存金紐鳳羅代相傳授龍車虎駕世有飛升

及立靖先生以冲氣含和體庚桑之歲計玄宗皇帝以
尊師重道屈軒后之順風由是天眷遐臨皇心密契惟
新舊館再易華題丹鼎洞經潔修無僂芝泥龍簡投奉
相望戶邑之民豈止奉明之縣樵蘇之禁寧唯柳下之
墳故得雲物告祥芝英表瑞小周王之瑤水徒詠空歌
異漢帝之猗蘭唯陳甲帳自茲厥後代有修崇上士名
人時時解蛻雲輶羽蓋徃徃降靈皆著于金石播于謠
頌嗟乎四時代謝天道盈虛雖九氣長存歷劫以資其
融結而三階有象隨時因表其晦明則斯觀也將世達
以汙隆與皇圖而升降赤明未啟猶多聞戶之悲白水

方興始漸高門之慶孝皇帝猶龍孕德指樹垂陰應樞
電之殊祥有天中之奇表甘盤就學和光於百六之初
庖正分官利見於九三之際賓門納揆有大造於當時
彤矢旅弓允至公於四海由是法堯受命祀夏中興補
西北之不周應東南之王氣御明堂而揖羣后輯瑞玉
而覲諸侯既治定而功成更憂深而思遠乘奔馭朽不
以黃屋為尊盱食宵衣唯以蒼生是念知無為之無敗
體上德之不德凝神姑射端拱穆清政舉其中事至而
應愛民重法務本訓農偃革消兵守好戰必危之誠卑
官菲食懼以人從欲之譏故得百寶効靈三辰荐祉遠

無不屈邇無不安少康光武之功獨高帝錄貞觀開元
之業更啟孫謀今上承績德之基法自然之道變化無
方之謂聖神武不殺之謂仁學洞精微守謙光而冲
用昭隱伏體大度以包荒動則庇民不矜功而尚智靜
惟修政恒務嗇而勸分聞善若驚每賞秋毫之細容光
必照寧遺行葦之微化洽風隨時和俗厚常以天下者
烈祖之天下憲章者昇元之憲章垂裕無窮永懷固極
衣冠原廟未足盡思聲樂娛神良非至敬緬慕在天之
駕因巖訪道之宮尋屬長樂上仙躍龍興感載詠生民
之什思弼十亂之宮乃眷靈岩誕敷明詔發虞衡之吏

集班爾之功執藝駿奔飭材廣至果園之柰供其馨斷
北邙之土給其圩漫乃新秘殿秘殿孔碩黯其靈對屹
其穹窿璇題互照以晶瑩珠網交踈而窈窳震殷雷於
滴瀝拖宛虹於循軒忽陰闔而陽開乍霞駁而雲蔚儼
若虛皇之御穆然太上之容疑馭氣以迴躋眇凌雲而
遐觀乃立高門高門有闕擬金闕之觚稜洞朱扉而煥
照龍章鳳篆以之題署霓旌絳節茲為出入乃建兩序
紛運迤而重深乃起層樓邈苔亭而顯敞北彌郭阡之
路南亘姜巴之衢赫光影以燭坤麗丹青而藻野速如
神運恍若化宮每至日薄星迴歲之云暮相華萍合春

聿載揚赤城旋軫之初白鶴會朝之際都人士女舉袂
成帷襲靈風而共洽天和仰雲今上御名而方知帝力豈止百
年猶畏獨識軒轅之臺三壽作朋永闕姜嫄之廟大哉
至矣無得稱焉夫妙本太無名垂不朽挺窮神知化之
盛然後顯通幽洞靈之微立尊道貴德之教然後致還
淳返朴之理漸於人為富壽被于樂為聲詩告於太史
為典冊著于豐碑為銘篆耿光丕顯其在茲乎爰命下
臣敬書令德其詞曰

邈矣至道悠哉妙門
崑崙無物綿綿若存是生清濁爰
闢乾坤乃生之民乃作之君德盛惟皇功高曰帝訪道

峒山求珠赤水下或知有時稱至理三正循環鴻圖資
始於惟基命赫矣皇唐運啟再造天降百祥立德升聞
既壽永昌時乘白雲至於帝鄉穆穆嗣君雄雄下武禮
極配天教明尊祖明發盡思儻然若覩敬佇仙遊式嚴
靈宇靈宇何在句金之陵丹霞夕映白霧朝凝重屋四
注崇臺九層雲生窈窕日麗觚稜三秀交陰五便分徑
丹沙流液玄洲立靖柳谷絙煙雷池寫鏡彷彿九華依
稀七映至誠則感有應斯來含真上客蕭閒逸才颺輪
條忽晨蓋徘徊浮黎認土方丈凝臺昔在聖人建言敷
教救物以慈奉先以孝敬佩真契恭聞大道顯妙用於

言象鼓淳風於億兆荐嘏于無窮仰皇猷之克紹

池州重建紫極宮碑銘

域中之大曰道百行之先曰孝故孝心充乎內必道氣
應乎外於是有所修之德追遠之懷揚名顯親之善集
靈徼福之舉用於邦國則臣節著施于家庭則子道光
以之為政則民從又以之荐信則神降福然則壇館之
作焉得已乎池州紫極宮者本東晉之普明觀也浸之
以秋浦鎮之以齊山北望陵陽竇真人飛升之所南瞻
九子費徵君棲隱之鄉玄風徘徊精氣交感代有奇士
居為殊庭既奉玄元之御因崇紫極之號治亂迭運隆

替不常戊午歲太守陳公始臨此郡歷危垣而歎息步
遺址而顧瞻役不徒興義將有屬公媯水洪派太丘舊
族重地避地徙居建安祖德門風冠映圖牒王師拓境
闔方即叙撫納歸附旌訪賢能惟我嚴君首奮奇節芟
夷逋穢弘濟艱難偏師所指無徃弗克故十年之間由
裨將歷郡守登上公建齊壇功名之盛近古無匹及王
室多故邊城不寧復遣公督舟師率諸將萬里越三年
轉戰莫無遺策兵不頓鋒威行軍中勲在王府舍爵再
命聿來是邦於是解甲釋兵頒條布政事從中興民用
接和會文賦詩彬彬然有儒者之風矣俄而王妣國太

夫人凶問至公孺慕出次烝烝永懷以為柔儀慈訓保
 大吾族鞠育仁愛兼倍諸孫嘗藥弗親執紼且違欲報
 之恩王事靡盬思所以荐祉於冥漠求神於希夷非龜
 山之宮必易遷之館然則琳房金閨闕瑤壇檜井迎列真
 之御資閭風之游仙經不誣勝事可作于是瞻星揆日
 飭用庀徒散廡下之金出荆門之絹人百其力工薦其
 能易其傾頽化以壯麗成於心匠不愆素期自某年月
 鳩工至某年月訖事凡出錢若干萬築室若干間正殿
 當陽三尊負宸享列宿之位于東序設三官之堂于西
 廂嚴饋奠之室於艮維所以盡時思之禮敬閑宴之序

於乾位所以極坐忘之懷矢棘雉飛霞馭雲蔚瑕城題行
 月煥城邑之晶光飛慶白日壯江山之氣色如是則颺
 歛之駕不得不臨胙蠻之福不得不集想見武夷之會
 足申令伯之心至矣哉善慶孫謀無得稱已嘗試論之
 曰神仙者君子之所歸也故真誥云至孝至貞之人皆
 先受靈職次為列仙歲登降其幽明如人間之考績矣
 若乃盡忠於君純孝於親敷惠於民歸誠於仙而不得
 與夫餌芝朮醮星斗者同躋真階吾不信也曷哉夫子
 其惟有終鉉扈駕南巡致禮名岳假道過此仰瞻久之
 博我以文輒不遜讓其銘曰

我經池陽池陽既康化以至道民知嚮方乃開新館以
奉虛皇君子荐祉則惟其臧我登新宮新宮既崇深巖
耽耽丹彩彤彤九華散影十絕盤空若在宣岳如游閭
風至道不煩玄關甚邇孝享誠敬奉時祀祖妣善慶純嘏
施於孫子三茅二許夫何許遠已流芳金石永永千祀

唐故道門威儀立博太師貞真素先生王君之碑
原夫至道之先邈哉稀矣書契已降可得而云黃帝堯
舜澄其源故垂衣恭已在宥天下伯陽仲尼導其用故
建言立德憲章無窮赤松羨門神而明之故輕舉上賓
留侯商皓變而通之故解景滅迹順是以下莫不由之

故有搢紳端委利萬物于廟堂之上葛巾蕙帶全陰功
於塵埃之外隱顯殊致趣捨同歸其人有終其魄不死
閭風玄圃羣帝之密都赤城華陽仙聖之治所光靈矜
蠶若在左右仁人君子徃徃至焉見之於貞素先生王
君矣君諱棲霞字玄隱華宗繼世積德所鍾生於齊得
泱泱之風長于魯習恂恂之教七歲神童及第十五博
綜經史闕黨童子靡敢並行東方諸侯為之前席而仙
材靈氣稟于自然塵纓世網不可拘係每名山獨徃神
契感通竒怪恍惚衆莫能測天祐丁卯歲避亂南渡至
于壽春感四海之分崩想八公之遺跡于是解巾名路

委質玄門問政先生聶君師道見而奇之授以法籙是日彩雲皓鶴翔舉久之既而窮方士之遐遊得東鄉之勝境道無不在善豈常師又從威儀鄧君起遐受大洞真法玄科聖旨動以諮詢福地仙源因而棲託誅茅穿徑枕石漱流身既退而名愈彰道已寂而節彌苦桑田自改桂樹長留烈祖漢高皇帝方在賓門實來作鎮紫氣表真人之應青雲符好道之占君鵠書被徵褐衣來見談天人之際講道德之源靡勞牧馬之迷自契順風之問因從敦請來止建康有玄貞觀者陳宣帝為臧矜先生之所作也殿堂岑寂水木清華遊鳥息焉以遂其

好竹宮望拜玉牒秘詞叩寂求真必君是賴嘉祥靈應世莫得聞聖曆中興恩禮殊重加金印紫綬號玄博太師烈祖嘗從容謂君曰吾不貪四海之富唯以蒼生為念君對曰夫古之聖人修其身而後及天下天下待一人安而後安今天子勤勞萬機忘寢與食身且不能自治豈能治蒼生哉帝善其言以百金為之壽其識度亮直又如此焉今上嗣清淨之基尊玄默之化諮諏賓敬有踰于前而君茅嶺夙心老而稱篤比年抗表請歸舊山優詔惜之又加貞素先生之號既而玉棺有命紫素告期葛洪見留不成大藥少君捨去先夢繡衣保大壬

子歲夏四月甲寅隱化於玄真觀春秋六十有二恩旨痛惜賻錢二十萬道俗嗟慕會葬數百人初君之處茅山也即良常洞之前相當平山之下披蓁翦穢面壑臨流除地為壇來朝真之位因立設隧卜安神之室至是歸葬符夙願焉六月發自京師泝淮而上時畿內久旱川塗可揭是日大雨洪注騰波却流薦長隄踰重堰飄然利涉人不知勞昔周王有樂水之朝宣尼有四川之應校靈比德其殆庶乎君傳法度人數逾累百有若玄真觀主朱懷德名先入室道極嚴師首座孫仲之章表大德劉復光叅受經願垂不朽之

風威儀王可

刊貞石鉉也不佞

風承教

途而誠心所感素交斯在

緝

首之悲以俟遼城之歎詞曰

於鑠子晉上賓於天亦有令孫窮神體玄昔我來思世稱其賢今我往矣人謂之仙至道希夷孰知其然華陽洞府句曲風煙林芳橘葉地即芝田披文相質億萬斯年

袁州宜春縣重造紫微觀碑文

若夫聖人有作沒而不朽畏其神而向其臺思其治而變其樹故尊道貴德玄化所以無窮高山景行後賢所

以不^妙乏門 光啟上士勤行書契已還煥乎丹青者可
 數邦域之內表厥宅里者相望時運與并入境交得教
 之大者其可忽乎袁州宜春縣紫微觀者蓋有晉鄧表
 真人上升之地也左鍾山之奇峰右洪陽之仙洞巉巖
 千仞蔽虧日月窈窕百里畜池世風雷迴岡層巒崇其基
 坳激湍澄谿宣其氣象真靈之所游集邑居之所走望
 皇統中否下國尋戈齊臺盡宅多頃壞鹿中霞帔藐
 矣流離藻局黼帳翦焉墜廢而周德未厭漢中守仍存舊
 物既甄墜曲咸復惟茲靈境將俟其人道士孫去華殖
 本康樂之川從師新吳之邑清心煉氣絕粒忘形三十

餘年其道彌固保大中自所居華林山館南遊北鄉望
 佳氣之鬱葱耳踞堦垣之靡迤慨然歎息誓志終完於是
 面壑依巖披榛築室勤身而感物應迹以化人鄉閭風
 隨跪信日至節以致用時而命工二十餘年厥功克就
 紺殿特立重廊回闕合朱戶以瞰野峙瑤壇而在庭至
 于像設之尊儼仗衛之精麗厨廩之充切艱居室之清閑
 洪纖必周奢儉中度美矣顯績昭哉素誠夫褒善稱代
 春秋之旨雖在遐遠人其捨諸監察御史李君思義奉
 使宜春稅駕斯館都厥成今上嘉其秉心碑而揭之以文
 求我言意難盡強為之銘銘曰

表君之賢此州乃名鄧氏之仙此觀乃形春華麗絕真
氣融明允矣奧壤居然福庭運逢交喪地有遺靈美哉
孫師興廢扶傾重閣金籥還飛大鈴煙霞聚散颺歛逢
迎精誠所感大道方行用刊樂石永告雲扃

舒州新建文宣王廟碑序

鉉嘗讀文中子用所著書竊觀其建言設教憲章周孔有
道無位故德澤不被於生民然而門人弟子如房魏李
杜輩皆遭遇真主佐佑大化元功盛烈亦云至矣猶以
為禮樂不興未能行文中子之道嗟乎使顏閔之徒遇
貞觀之世舉聖人之業成天下之務豈不益大乎時運

不並亨聖賢不世出可為長嘆息已矣夫太羹玄酒足
以道神明而不能競適口之味大咸雲門足以和風俗
而不能高娛耳之聲五常六藝足以興國家而不能勝
捷給之數釋菜合樂足以祈永貞而不能掩福田之說
李斯荀卿弟子也而為焚書之酷德彝文皇上宰也而
沮王通之議况其餘哉故用兵已來郊庠鄉塾委而不
修者有年矣皇唐中興之一紀天子乃崇學校養庶老
舉六德教胥子旁達郡國靡然向風舒州古諸侯之封
也其地廣其任重太傅博周公舊勲碩望來頒詔條武以
貞師仁以行政動必資於前訓舉必順於人心前吏部

郎鍾君頃登銓管之司實叅侍從之列論思典治必以名教為先洎從左官未為佐職神交主諾人無間然始一年而早曠作二年而百穀登三年而上下和既富而教爰修廢典乃嚴社稷則播殖之功報乃祀箕畢則風雨之候時乃即黌堂謁先聖寢廟卑而將祀袞冕陋而不度政之大者烏得已焉于是庀功庸示儀制堂與戶牖魏乎大壯山龍藻火煥乎有章重門以深之周垣以繚之俎豆升乎筵干戚由乎序侏侏衆賢是配是侑肅肅燕毛以衍以樂閭伍之屬耆幼之倫惠澤漸乎肌膚風教移乎情性惜其所治者百城耳推是而往何所不

至哉鉉也不才放逐至此崇地主之惠接故人之懽博我以文宜無所讓屬役既具冠篇將畢會鍾君召還京師祖行之夕視草以送且曰敬教勸學非大君子不能行計功稱伐非大手筆不能任吾友紫微郎韓君即其人也託之銘頌以永清風

徐公文集卷第十二

徐公文集卷第十三

東海徐鉉

宣州涇縣文宣王廟記

復三茅禁山記

宣州開元觀重造中三門記

紫極宮新建司命真君殿記

楞嚴院新作經堂記 攝山棲霞寺新路記

常州義興縣重建長橋記

宣州涇縣文宣王廟記

昔夫子祖述堯舜憲章文武扶東周於已絕拯蒼生於

既墜其迹屈而道愈大其人亡而教愈遠則生民已來未之有也其在祀典法施於人則祀之矧褒聖之祀其可忽乎然則中人不足以語上下士聞道而大笑故斯教也衰于戰國廢于嬴政漢魏以降續而復絕夫仲尼日月重昏于祀非聖人孰能廓之故斯教也興於武德盛於貞觀極於開元理自然也兵興以來大化墮替先王禮器委頓于勝廣之門闕里諸生恓惶于絳灌之下矧厥祠宇其存幾何天之愛人不當遂絕皇統再造六藝始修太歲丙午重熙在運宣城雄鎮帝之叔父在焉故幕府之選殊重尚書郎吳君光輔奉詔佐廉部兼理

於涇既涖事乃被儒服謁先師闢荆棘歷堦垣以造于茅茨之間仰瞻俯觀喟然而嘆于是奉開元之成制采頽宮之舊章經之營之是卜是築惟新秘殿儼飾時容入室升堂森然如在籩豆有位賓主由序表著咸列門衛肅然于是青衿雩服之子有從師觀藝之場鯢齒駘背之徒識養老慈幼之節欣欣然其化之大者歟明年秋君奏計如京師曰得其實嗚呼聖人在上羣才畢舉使三代之風得達于邑里不其偉哉余承君之歡美君之志刊石紀事實於祠庭後之君子無忘企及其餘理畝籍察庶獄闢汙萊遏陂塘則有考功之吏在故不書

于時太歲丁未冬十月九日尚書主客員外郎知制誥
徐鉉記

復三茅禁山記

華陽洞天金陵福地羣仙之所都會景福之所興作故
其壇館之盛薦享之殷修奉之嚴樵牧之禁冠于天下
其所由来舊矣聖曆中微官失其守望拜之地多所荒
蕪若乃真靈翔集玄貺盱蟹興復之迹必假異人天祐
丁丑歲貞素先生王君棲霞始來此山恭佩上法徘徊
地肺中偃息朱陽永懷舊規期在必復先生潛德內映符
彩外融名士通人道契冥會凡縞紵之贈脫信之資悉

奉山門以成夙志於是良常洞至雷平山十里而近

於入萌隸者盡

今上御名

贖之芻蕘不得輒至墟墓不得雜處

藝樹蔽野植松為門川梁必通榛穢必翦建方壇于雷
平之上造高亭于良常之前朝修有致誠之地游居有
稅駕之所姜巴古陌秦望舊封肅然清光復如開元天
寶之歲矣先是紫陽之右有靈寶院焉真臺故基鞠為
茂草先生殫罄資用克今上御名殿堂有闕必先無遠弗屆都
督武陵康王奉錢百萬梁王造殿一區向道之徒咸奉
厥事曾未周歲惟新舊宮皆先生之力也昔大隗致襄
城之駕康桑化喂蟲之人是知道心惟微其應如響時

則有若道士經若虛協規同志是攝是贊幹事以恪感
物以誠績用不愆斯實攸賴先生以保大壬子歲夏四
月悉書夫物^屋之數疆畔所經請命于京師申禁于郡縣
以授茅山都監鄧君棲一能事既畢數日而化期命立
應昧者不知夫仙階感召諒非一揆若乃神清氣靈骨
籙標映受之于天也心虛器冲立德充蔚基之於性也
昭真垂教啟煥靈迹行之於勤也故策名紫素飛步黃
庭流功儲慶必參相合然則先生之道其殆庶乎雖歟
駕不留冥升日遠而高風可述遺範在人進而紀之翰
墨之職也鄧君企慕前躅見託直書已未歲秋八月^日記

宣州開元觀重建中三門記

夫清淨立默道之基也宮館壇墀道之階也生知者因
基以成^{今上}勤行者升階而覩奧故君子德業立挺仁慈
積中必廣馴致之方乃形兼愛之迹為科誠以檢其情
性為象設以致其誠明情性平則和氣來誠明通則靈
符集由是登正真之境入希夷之域曠矣無際薰然太
和斯實興化致理之方還淳返朴之本豈與夫延方士
尚秘祝求長生以自奉者同年而語哉宣州開元觀遠
擬清虛獨標形勝敬峰崇峻鎮其後句谿澄澈經其陽
鍾一方淳粹之精結三素氤氳之氣當泰陵之尊道揭

聖歷於華題藹爾殊庭居為福地及運纏百六數偶三
災雖棟宇不渝而制度多闕靈蹤必復有待而興主上
嗣位之七年皇室在造之一紀今儲后狗臧札之操讓
德承華體間平之賢摠戎藩服首台司而握師律鎮京
口而領宣城其為政也質以光正諮於耆老義以果斷
仁以發生民力不偷闕政咸舉而斯觀路門久廢遺址
將蕪非所以敬教尊祖會昌建福者也乃命執事即從
經度民多暇日府有羨財勤而不勞成而勿亟巨棟山
立層簷翼舒六扉洞開方軌並入重廊助其迴合秘殿
表其深嚴十絕之幡拂文楯而絢彩九龍之駮軋金鋪

而振響瞻之者有凌雲之氣經之者疑駕馭之游信足
以勵上士之進修福蒼生於仁壽既而功宣納麓望集
撫軍大壯之制斯成重離之位亦正貞符允塞盛德宜
書道士孫洞虛素業淳深至誠敦懿發揚真迹啟迪嘉
猷永為不朽之功願紀他山之石宮臣執筆以謹歲時
戊午秋九月庚申記

紫極宮新建司命真君殿記

夫金闕琳房不可階而升也惟至誠能通之靈符景福
不可企而望也惟至行能致之故君子行道於時宣力
於國敷惠于民貽範於家此人之極致自天所祐也又

况考集靈之地崇列真之宇荐納約之信勵勤行之誠
然則希夷眇邈超言象之表矣有若故司空相國馮翊
懿公承世功之緒襲重侯之業地親于副馬美繼于緇
衣便蕃臺閣夷險中立不倚金石貫其心唯力是視風
霜盡其節故四綜會府再踐中樞三殿方鎮一平邦土
慎終如始沒有遺忠激楚之樂雖窮通德之門不改嗣
子太僕少卿俊等祇奉慈訓弗敢失墜以為公之純誠
冲氣本道家者流而仁政令典近決於三茅之境高齋
甲第夙鄰乎玄化之宮故棲神植福必先于是爾其治
城峻址西州舊署忘貞公之遺隴郭文舉之故臺九原

可作勝氣如在乃相形勢補廢闕建司命真君之殿于
宮之良維披真蘊以立程集國工而考藝瞻星揆日不
勞而成崇高壯麗重深藻繪煥如也凝旒端簡負宸仍
几穆如也珠旒絳節紛披乎左右空歌洞章蕭寥乎晨
昏真聖以之而臨御純嘏以之而蕃錫賢人而後孝子
奉先無以加於此矣鉉始以事分通舊從子弟之游終
以禁掖具員陪僚屬之末及公之啟手足也復忝國士
之許辱寄託之任知己之厚何日而忘短篇叙事盖感
遇之萬一也

楞嚴院新作經堂記

後漢書卷之三
君子才足以治劇惠足以安民見危致命以死勤事有一於此然後可以荐信于無方之神儲慶於必大之門噫楞嚴院經堂之作也其庶幾乎平陽柴君諱進思字昌美故太尉中書令尋陽靖王之孫也少而爽俊長而忠恪尤善騎射頗曉兵書靖王愛之出則典親兵居則專家政幹蠱之美宗族稱之王薨始為公臣累遷旅師鴻圖再造金革寢威上以其材能可任故以為內宴副使乘輅建節將命四方盤根錯節所至皆治改鄂岳觀察巡官知永興縣事縣有山澤之征權管之利歲終考績倍于前人遷泰州軍事判官兼營田監監平蠹政決

庶獄勞農督課潔已律人民不告疲公有餘利除勸農使復監池吉二郡護武昌軍千里晏安上流靜謐會梁人入寇我武未揚東畿陷沒羣情震駭命君為行營應援軍使率舟師數千鼓行而東平難濟口復海陵郡于是淮泗之地聲勢始通乘勝長驅回逼隋苑前茅接戰羣帥後期振臂奮身有死無二雖破竹之勢敗於垂成而東道清夷本由君之一舉也江都剋復歸葬京師天子閔焉贈左千牛衛將軍賻贈加等禮也嗣子殿前承旨廷遇等棘心在疚荼蓼兼倍以為苴麻苦凶飾哀之期有終蒸嘗封樹追遠之禮有數復欲圖不朽之績徼

無邊之福則金仙之教世之所崇宗旨在於經文威容
存乎像設于是擇奇勝之地補闕遺之事今上御名經堂六間
塑地藏菩薩像一軀几席什器之類華而備精而固耽
然其質煥乎其章深嚴足以遠世喧虛明足以味玄旨
其全節之風也如彼其集靈之所也如此然則冥冥之
祐綿綿之慶豈誣也哉余頃歲左官海陵君盡傾蓋之
分感忠臣之事主嘉孝子之奉親刻石紀事以聳善也
援筆悽愴無心於文保大丁巳歲春三月日東海徐鉉
記

攝山棲霞寺新路記

棲霞寺山水勝絕景象瑰奇明徵君故宅在烏江令公
舊碑詳矣高宗大帝刊聖藻于貞石紆宸翰于璿題煥
乎天光被此幽谷先是茲山之距都也五十里而遙方
軌並驅崇朝可至及中原今上御名亂多壘在郊野無牧馬之
童岐有亡羊之僕義祖武皇帝潛龍茲邑訪道來游始
命有司是作新路金椎既隱玉馱言還祠山之駕不追
回中之道亦廢於戲聖人遺迹必將不泯微禹之歎夫
何逮哉遠保大辛亥歲時安歲豐政簡民暇粵有寺僧道
嚴名高白足動思利人百姓莊思悰家擅素封積而能
散嗟亭侯之不復閔行旅之多艱乃相與翦荆榛疏坎

窳闢通衢之夷直棄邪徑之迂迴建高亭于道周跨重
橋於山川上鑿甘井以救暵立名表以指迷草樹風煙依
然四望峰巒臺榭肅肅前瞻由是江乘之塗復識王畿
之制矣余職事多暇屢游此山喜直道之攸遵嘉二叟
之不懈為文刻石用紀成功俾後之好事者以時開通
隨壞完葺此碣有泐斯文未湮不亦美乎其年八月一
日兵部員外郎知制誥徐鉉記

常州義興縣重建長橋記

聖人作川梁以濟不通舟車所及纒連綦布若乃形勝
傑大名聞天下者亦無幾何陽羨長橋其一也夫英賢

之所纏次邑居之所瞻望山川之精粹宅為里城之神
靈憑焉廢而興之圯而葺之豈惟脩政足以徼福是橋
也徵諸圖牒則後漢邑令袁君創造國朝永奉奉中令立
君新之其他無聞焉中興之初邑有義夫曰吳濠吳湏
率以私帑備加營今上人賴其利踰三十載丙辰歲國步
中梗百越寇邊邑人敗之燒營而遁飛焰旁及宏梁半
摧甲寅歲著作佐郎劉君來為邑長視其制度知非民
力之所能濟乃狀其事白於有司上聞嘉之詔賜錢八
十萬君信而好古寬而得眾尉盧舊鼎甲餘慶俊造策
名政是以和事無不舉乃相與敷王澤因民心脩物致

用程功揆日器利工善材良事時戊辰歲冬而裁明年
暮春而畢長五十步廣七步對縣樓而直出跨荆谿而
橫絕丹雘其飾 偃蹇而虹舒崇高其勢邈若亭而山
立朱輪方軌駟馬連騎營營市井憧憧往來有衽席之
安無揭厲之患昔者乘車濟涉聖人謂之無教橋梁弗
修賢相知其不能以今方古勝負分矣夫書云考績傳
載稱伐庸庸善善其可廢乎刻之貞珉以示來者庚午
歲春二月十五日記

徐公文集卷第十三

徐公文集卷第十四 記二

東海徐 鉉

重修徐孺亭記

喬公亭記

毗陵郡公南原亭記

劍池頌

九疊松贊

硯銘

野老行歌圖贊

四皓畫贊

許真人井銘

高侍郎畫象贊

文獻太子哀冊文

齊王贈太弟哀冊文

重修徐孺亭記

至矣哉天之愛民甚矣雖數有治亂而常生聖賢故得

其位則功加于時并其運則教垂于後雖銷聲滅迹全
身遠害不德而德普逃名而名揚擁篲築宮禮重于列
國式閭表墓道光於無窮舉善而教政之大者也恭惟
我祖炳靈南國舊宅界乎仙館高臺峙乎澄陂孺亭之
稱海內瞻仰名公良牧代加崇飾千載之下猶旦暮焉
項屬邦君非才敗我王度翦焉層今上御名鞠為茂草噫百世
之祀誰能廢之康申歲始建王都辛酉歲遂遷于清蹕肆
覲羣后疇咨先賢餘基未傾偉人將至既而鼎湖在御
相圭錫壤丞相司空鄧王以茂親之重膺分陝之權思
老成之典刑仰高山之景行同言而信不肅而嚴乃命

經營將從締今上御名九成方起百堵未周甲子歲入秉國鈞
以武昌運帥侍中濟南宮公代司宮籥公致用以武從政
以文祇奉蕭規率由周禮再膺成制詳考舊基夷坎窞
而就平裨崖岍而增固乃崇堂奧乃加藻績右巖鐫玷
之序左設庖膳之區前臨康莊旁眺城闕平湖千畝凝
碧於其下西山萬疊倒影於其中依然懸榻之場想見
致芻之狀與夫洪崖之館絢綵於煙霞滕王之閣騫飛
于雉堞南州之物象脩矣前哲之光靈萃焉嗟乎君子
興一役建一事于時必可頌于後必可觀茲序之作也
都人朋悅過賓矚目紀于方國之吏播于樂職之詩鉉

也幸承燕翼之謀獲忝翰墨之任俾垂不朽敢憚蕪音

喬公亭記

同安城北有雙谿禪院焉皖水經其南求塘出其左前
瞻城邑則萬井纒連却眺平陸則三峰積翠朱橋偃蹇
倒影於清流巨木輪囷交陰於別島其地豐潤故植之
者茂遂其氣清粹故宅之者英秀聞諸耆耄喬公之舊
居也雖年世屢遷而風流不泯故有方外之士爰今上經
行之室回廊重宇耽若深巖水瀕最勝猶鞠茂草甲寅
歲前吏部郎中鍾君某字某左官茲郡來游此谿顧瞻
徘徊有懷創造審曲面勢經之營之院主僧自新率應

善言允符夙契即日而裁逾月而畢不奢不陋既幽既
閑馮軒俯眇盡濠梁之樂開牖長矚忘漢陰之機川源
之景象咸歸卉木之光華一變每冠蓋萃止壺觴畢陳
吟嘯發其和琴慕助其適郡人瞻望飄若神仙署曰喬
公之亭志古也噫士君子達則兼濟天下窮則獨善其
身未若進退以道小大必理行有餘力與人同樂為之
懿也是郡也有汝南周公以為守有潁川鍾君以為佐
故人多暇豫歲比順成旁郡行再雩之禮而我盛選勝
之會鄰境興闐戶之歎而我賦考室之詩播之毗訟其
無愧乎余向自禁板再從放逐故人胥會山水窮游良

辰美景賞心樂事有一於此宜其識之立石刊文以示
來者于時歲次乙卯保大十三年三月日東海徐鉉記

毗陵郡公南原亭館記

人生而靜性之適也若乃廟堂之貴軒冕之盛君子所
以勞心濟物屈已存教功成事遂復歸于靜用能周旋
於道常久而不已者也有唐再造俗厚政和人多暇豫
物亦茂遂名園勝槩隱鱗相望至于東田之館西州之
墅婁湖張侯之宅東山謝公之游青谿賦詩之曲白楊
飲酒之路風流人物高視昔賢京城坤隅爰其別館百
畝之地芳華一新舊相毗陵公習靜之所也其地却劇

峻嶺俯瞰長江北稱臨滄之觀南據新林之戍足以窮
幽極覽忘形放懷于是建高望之亭肆游目之觀睨多
鳥於雲外認歸帆於天末四山院見而屏列重城邈迤
而霞舒紛從步而右回闢精廬于中嶺倚層崖而築室
就積石以為階土事不文木工不斷虛牖夕映密戶冬
燠素屏塵尾榷几黎牀談玄之侶此為游息設射堂于
其左湛方塘于其下虛楹顯敞清風爽氣襲其間倚岸
繁迴紅渠翠苔藻其渌至于芳草嘉禾修竹茂林紛敷
翳蔚不可殫記凡廡庫之室廚廩之區賓燕所資不戒
而具每良辰美景欣然命駕羣從弟子結駟相追角巾

藜杖優游笑詠觀之者不知其為公相也古人有言朝廷之士入而不能出况於輕鐘鼎之貴徇山林之心將相之權不能累其^真肺腑之親不能系其遁道風素範豈不美歟又以鉉無事事之情有善善之志見徵拙筆用勒貞珉是時歲次辛酉冬十月日記

劍池頌并序

歲次辛酉月躔仲冬王人徐鉉揚旌銅柱之鄉稅駕劍池之廟慨嘆靈迹徘徊故墟或曰龍泉太阿安得為寶出也不為當世之用佩之不免亡身之災天下固有虛名而無實效者歟愚以為不然夫聖人之於天下亦物

耳所稟受者異故能與造物者並而為天下王是以聖人之作也天不愛其道地不愛其寶同聲相應同氣相求人謀鬼謀皆為聖人用無功無迹豈尋常所能識乎然則集陰陽之英萃山澤之精窮爐冶之妙極鋒鋸之利宜其冥合玄造弼成聖功者也昔黃帝法月滿而鑄鏡用能照燭怪魅辟除不祥大禹收^收貢金以鑄鼎使民知神姦以遠不若漢高祖佩斬蛇之劍以撥亂除害奄有天下是以三者皆人力所為也咸能輔佐興運與時隱見其可誣乎在昔三分叔世咸有昏德天命將改寰宇將同斯劍知之故靈發于下氣淳于上應帝王之符

命矚識者之觀瞻亦猶伊尹負鼎於莘墟仲尼動色于魯相千載一會聖賢所以汲汲也向使晉武能誕若天意克明俊德判忠邪之路絀驕侈之心則賢能盡其才神靈効其用淳耀之烈可續七百之期不爽而王猷既鬱亂本既成百姓失望羣龍沮色於是斯劍也委質張雷之鑑一泄其情遠迹劉石之醜復歸于潛其出也所以示神之不亡其去也所以示德唯是輔則其為用也遠矣昔者周過其數秦不及期是知天命之精微可以人事而延促前哲論之備矣若夫精真之誠修于內感召之致應乎外自然而然有道存焉不可以智求不可

以言達王者得之則三五之功其餘事耳然則天下至瑤本非人臣所服變化無方神物之事也忘身殉國忠臣之節也兩造其極求仁得仁復何怨乎廟在豐城故縣俯瞰池岸狀武侯雷府君之象祀焉去今縣四十里而龍泉太阿之廟別在中路棟宇綿久皆將傾頽邑人朱憚等洽重熙之化感百世之祀獎率同志唯壽宮千載光靈煥然如在縣令孟賓于尉孫舉皆以文行之懿中賢良之選接武連事惠此王畿推誠於民荐信於神風雨不愆耕鑿咸若先賢遺躅其不泯也宜哉是池廣不畝深才數尺父老云近歲暮旦徃徃有雲霧蒙覆

其中恍惚之理不可測已今中興三葉聖政惟新豈非
靈命孔昭玄貺將集天命不僭強之在人使臣司言敢
告有位乃為頌曰

周室既衰仁獸來臻晉祚不融龍劍劾珍神化無方天
命無親德之不建與運俱淪歸潛厚載以俟真人惟劍
之神惟賢之識湛湛靈沼綿綿廟食瑞氣常在玄符靡
測垂茲頌聲永永無極

九疊松贊并序

同安郡南二十里古城南隅有松焉拳曲臃腫勢若九
疊交柯聳幹無不蟠屈者其地高迴旁無壅闕莫知其

何由如是或曰下有頑石根不得舒氣脉債興故為此
狀好事者以為盛觀焉余始聞其名今至其下睹之而
貽曰嗟夫草木麗地稟天之和條暢秀茂固常也若乃
原隰之宜失陰陽之候違柔脆之姿則離披枯瘁貞勁
之質則鬱抑盤錯生理乖矣獨有瓌奇之貌嗚呼失其
所乎昔在太古君臣強名賢愚同域洪洪洞洞是謂大
和降及後代聖人有作顯仁義建功名扶衰整弊不得
已也於是有愛惡則象生焉其甚者飭行以矯時執方
以違俗考槃閭巷聲重王公上德喪矣獨有高氏^世之譽
嗚呼荀孟屈賈之徒豈斯松之類耶感物徘徊因為之

贊于嗟彼松孰為而生天枉其性屈折其形人實我貴
我非所營噫嘻淳風曷歸大道安行吾欲與汝各全其
真作此好歌以告騷人

硯銘

他山之石是斲是治荆藍表瑩雲露含滋執簡而至磨
鉛在茲言出乎身文以行之噫嘻君子慎爾樞機

野老行歌圖贊

昔在陶唐光宅萬國下或知有帝將何力鼓腹擊壤嬉
游無極自然而然忘適之適中古道薄親仁懷德末世
政亂姦宄寇賊淳風不還可以嘆息丹青志石存諸徃

則嗟爾有位鑑茲王式

四皓畫贊

君子道行必資其位邈哉四賢隱居叔世皤皤之貌丹
青假志爾無素飡觀此知媿

許真人井銘

長史含道棲神九天人非邑改丹井存焉射茲谷鮒冽
彼寒泉分甘玉液流潤芝田我來自西尋真紫陽若愛
名樹如升魯堂敬刊翠琰求識銀牀噫嗟後學揖此餘
光

高侍郎畫象贊

穆穆清真不淄不磷文高學富道直誠純昭質已邈斯
猷愈新丹青畫象以永光塵常陰峴首瞻仰霑中

文獻太子哀冊文

維顯德六年太歲己未九月癸卯朔四日丙午文獻太
子薨于東宮延春殿以某年十有二月壬申朔十三日
甲申遷座于文園禮也象輅差階龍樓向曙肅仗衛以
將引儼躡壘而不御主上感深守器念極賓天痛玉符
之靡召悲銀榜之空懸詔下臣於信史載盛烈于瑤編
其詞曰

於昭我唐誕受帝祉舊邦維新令問不已亦有積慶載

生賢嗣平王之孫吾君之子越在綺紈芳若蘭蓀綠車
表慶寶玉疏恩東平錫壤南昌啟藩耆老詔訪丘墳討
論文以行禮時然後言敬愛表於天性信厚由於自然
運屬重熙地惟明兩古尚達節吾先德讓剖符分陝居
東作相封燕禮緝副戎業廣績著保釐道高寅亮敬亭
南屏浙水東馳是惟闕輔以衛京師乃移節鉞建此藩
維擇其令典導以由儀仁薰俗厚化洽風隨國步中艱
文身怙亂鎮以高卧制之長算取彼鯨鯢戮為京觀吳
門載同輿詞協從天之眷命我豈矜功乃正皇統斯維
至公爰撫軍而監國亦納揆而登庸業彌盛而學彌廣

望益高而禮益恭不言而信有感則通多壘以之而罷
警四時以之而除兇反溥和于國儉致符瑞於年豐天
亦艱謀胡寧不惠枉矢流蒼震之野火耀奄前星之次
捨內間豎之問安進浮丘而把袂九重增慟萬邦銜涕冥
茫少海之波寂歷滌雷之肆嗚呼哀哉感神飈之遠至
嘆芳歲之云徂違大學之齒胃啟佳城而下居建采章
于綢練儼備物于塗芻經武帳之列竈據青龍之鬱紆
嗚呼哀哉苦霧閉塗窮陰殺節重雲之旭日如晦大壑
之層冰似雪指京口而不臨背都門而永訣萬目愁而
旆旌慘羣心感而笳簫咽嗚呼哀哉瞻瑤山之落木聽

玄圃之迴風臺思子以何極宮長男而遂空集荆門之
故吏會商嶺之悲翁淚淋浪而洒袂氣怨結而盈胸嗚
呼哀哉歷遂古以遐觀考令猷於三善孰仁孝之昭著
復功名之不顯惟史筆與旌頌配天長而日遠建寧騁麗
于東田豈馭能于文選嗚呼哀哉

齊王贈太弟哀冊文 代喬侍郎

維年月日天策上將軍太師尚書令臨川牧齊王薨于
臨川府之正寢主上追先皇付託之意表叔父遜讓之
風乃下明詔冊贈太弟即以其年十一月日葬于江州
某縣某鄉廬山之原從理命也綃幕夕陳虞歌曉引改

兔園之賓館設龍樓之陞楯聞靈儀以愈遠窮哀端而靡盡愴永恨于宸襟俾誕揚于令聞其詞曰
皇天眷祐錫唐良輔時惟宗英裔自文祖孝弟敦懿機神穎悟昔在中興爰當就傅申畫宛水錫茲茅土德望日躋邦家是毗鈞陳宿衛宮籥攸司於惟淮甸實始皇基道之以禮董之以威俗賦甘棠之頌人歌樂職之詩運屬繼明業隆二聖首輯瑞玉來參大政乃為左相其班上台乃封夏口其賦千乘赫矣元后蒸哉古風不私其子天下為公並命叔仲奮茲顯庸或踐我舊藩或陟爾青宮辭不獲命處之益恭晉鄭之勲推而更融臧札

之操久而彌崇若泰伯之讓異周公之東京江汝水旌節從容皇統既正靈符允答國步清謐羣生欣洽復大道于三古永文昭于萬乘越我嗣君尊尊親親極以呂望之高位崇以貞觀之舊稱賜書不詔贊禮不名曰予小子實繫叔父維藩維翰宗社之故永錫難老日新王度謂天蓋高命亦靡常台階殞宿河月沉光慟東堂之哀臨輟南園之春相與聖賢而共歎獨天地之何長嗚呼哀哉知生若寄臨凶奢於蜃炭舉士庶而均哀頌聲猷于無間嗚呼哀哉歸虎節於王府靡鸞旌于雉門閑西園之風月慘緱嶺之烟雲象輅迴兮遵途遠歸帷整

徐公文集卷第十四
今逝水奔賓友散兮霰雪積中箱故兮經籍殘嗚呼哀
哉身歿懷存道悠運促贈今日之典冊閱當時之寶玉
全大義以經國激清風而被俗昭遺烈于千仞寄玄堂
於陵谷嗚呼哀哉

徐公文集卷第十四

徐公文集卷第十五 墓銘一

東海徐 鉉

唐故左諫議大夫翰林學士江公墓誌銘

唐故泰州刺史賈公墓誌銘

唐故泰州刺史陶公墓誌銘

唐故河南方公墓誌銘

唐故筠州刺史周公墓誌銘

唐故朝議大夫太原王公墓誌銘

唐故奉化軍節度判官趙公墓誌銘

唐故左諫議大夫翰林學士江公墓誌銘

徐馬卷之五
公諱文蔚字君章其先濟陽考城人也昔高陽恢若水
之靈光有萬國伯益獲箕山之護竟成夏功故其子孫
延祚不顯茅土錫爵圭組流光在漢者為孝子在宋者
為忠宰在梁者為烈將在陳者為詞臣長城既封淮水
亦絕辭周粟而遠驚避嬴亂而深藏徙籍建安世為大
姓至於我王考毗考秦皆以隱德清操垂為門風惟公
嗣奕葉之賢有生知之異幻挺奇表夙韜殊量殫儒墨
之秘奧窮文史之菁英閭里歸仁宗黨稱孝于時天下
未一遐方不寧公鄙尺鷃之為從黃鵠之舉類延州之
觀樂同太史之探書升名俊造從事河洛衰俗難佐天

壤不支我烈祖孝高皇帝王業始於江東仁風被于四
裔公仗策高蹈歎闕來儀府朝肅以生風臺閣藹其增
氣署州宣觀察巡官試秘書郎遷水部員外郎賜緋魚袋
王國初建改比部員外郎知制誥于時天人協應獄訟
攸歸舜禹相與言游夏不能措潤色之任也我則無慙
既受禪遷主客郎中知制誥如故俄而真拜仍賜金紫
今上嗣位大禮幸脩徙公為給事判太常卿事時同軌
胥會會有司失職公與司門郎中蕭君儼博士韓君熙
載協力建議周行翕然由是祖功宗德之位定大行昭
名之義允功署高廟與天無窮明年拜御史中丞矯枉

持平無所顧憚坐廷劾宰相其言深切貶江州司士叅
軍初國朝自王義之後曠數百年憲署之舉間無廢職
然未有危言激論如此之彰灼者也故權右振竦朝野
喧騰傳寫彈文為之紙貴人心既爾天鑑亦迴前所劾
者或免或黜公就加江州營田副使頃之徵為衛尉卿
俄拜右諫議大夫充翰林學士權知貢舉出納密命樞
機靡失登進造士衡鏡無私聳禁署之清氣著春官之
故事薦賢之賞行及于台司曳杖之期奄先于朝露春
秋五十有二保大十五年八月二日卒于京師官舍皇上
痛惜為之廢朝送死卹孤一從公賜有司考行易名曰

簡即以其年九月十三日葬于某縣某里之原禮也長
子翕秘書省正字次子騫皆早卒今以從子翹為嗣嗚
呼哀哉公心平氣和貌古神正雅好玄禮有方外之期
尤善詞賦得國風之體去華簡禮不以位望驕人慤才
誘善不以威名傲物操履堅正靡得動搖襟懷坦夷初
無蒂介謫居江楚恬然自足孜孜色養蒸蒸孝心嘗為
詩云屈平若遇高堂在應不懷沙獨葬魚此其心也江
州節度使賈公崇以武立功以剛肅物事公如師傅親
公如兄弟時皆服公之重名而賢賈之樂善也既歸京
寓居公廨無以家為二子繼亡一慟而已齊死生于夢

後唐書卷之五
三
覺遺寵辱於錙銖古之達者何以過此嗚呼凡我僚舊
均哀共戚入黔婁之門聞覽伯喈之經籍睇落日以流
慟愬秋風而沾臆企景行於高山勒哀詞于樂石其詞
曰
高陽之裔伯益之孫展矣君子載大其門爰翔爰集樂
我樹檀彰纓幕府振藻西垣禮儀卒獲風憲攸端道行
在時業隆自我英英若人見義必果直指烈烈宮鄰瑣
瑣死生以之何適不可允矣天鑒明哉主恩乃還宣室
乃入修門從容禁署密勿王言得才為盛知人則難求
尸宗伯載善其官人必有終古無不死嗟嗟若人風流

永矣徐庶有母鄧攸無子闕里諸生荊州故吏謂之何
哉啜其泣矣秋風落木逝水成川昨朝飛蓋今日荒阡
一丘殘照萬古愁煙素車自返寶劍高懸高才兮直道
其盡兮何言

大唐故中散大夫檢校司徒使持節泰州諸軍
事兼泰州刺史御史大夫洛陽縣開國子賈
宣公墓誌銘

公諱潭字孟澤洛陽人也周先同姓即列國之諸侯漢
得名臣乃洛陽之才子攀鱗河北豈須方面之功借筋
譙都自有良平之策源長派遠德厚流光史不絕書後

將必大當先天之內禪也我七代祖黃門侍郎平陽公
魯實寅演丕命及至德之中興也我六代祖黃門侍郎晉
國公至實贊大猷曠古已還一家而已五代祖孫衡州
刺史高祖種司門員外郎曾祖昶太子司議郎祖琛河南
密令皆有韜世之量濟衆之仁大位不躋餘慶斯洽考
妣以經術擢太常第以才用為諸侯卿捍虜輸粟有勞
王室于是佩金紫升朝廷上疏論邠寧節度王行瑜恃
功恣橫坐貶愛州掾及行瑜就戮優詔徵還復出常州
刺史監鐵江淮留後屬宗社中絕官司解弛計吏未上
哲人其萎公有世德之資負夙成之器風神爽邁智術

通明景福二年以學究一經射策高第釋褐京兆府叅
軍事遷秘書郎侍從南遷進修不懈天祐丁卯歲居先
君憂服喪過哀宗黨稱孝楚泗郡守宣城廉使虛左交
辟三府馳名俄而內艱感憂如禮藝祖皇帝創基分陝
側席求才素與公周旋即加禮命奏記書檄一以委之
內贊謨猷外為詞令出應盟會入陪樽俎霸功光赫公
有力焉十有餘年任用無間既而楚雲告變穆醴不陳
也已酬國士之知亦得退人之禮改宣州也觀察判官烈祖
高皇帝受命中興不忘舊德徵拜秘書少監充儀禮副
使遷中書舍人崇英翰林學士周慎密命潤色王言公

望無渝朝獎彌厚保大嗣統拜兵部侍郎知制誥學士
如故充永陵儀禮副使同執胥會大禮無違遷兵部尚
書修國史考定郊廟之樂褒貶歸正擊拊允諧會六夷
南侵天眷北顧命我持節使于契丹宣大國之威神得
諸戎之要領及輅軒還軫而控弦出塞矣報命稱旨時
論具瞻于是避寵台衡就安闕輔除泰州刺史視事數
月丕變土風御名疾還京保大六年九月二十有一日卒
於江寧永安里官舍享年六十有八皇上軫悼再不視
朝飾終之禮務從加等太常考行賜謚曰宣以其年月
日葬于某所與夫人楊氏合祔焉禮也長子朝散大夫

行大理司直彬次子泰州司倉叅軍穆少子修等咸負
當世之才皆為保家之主種德垂範未易可量長女用
文適水部員外郎楊元鼎不幸早世次曰用柔適膳部
員外郎知制誥張緯次曰用光適進士姜某少曰季芳
尚幼惟公事業富壽昭映一時族望婚姻熏灼當代自
非天監與善孰能若斯雖大用未光而能事畢矣銘以
世親之舊執隨行之敬服義承教惟公在焉刊勒論撰
蓋感遇之萬一也其銘曰

於惟茂族實有世德七葉繼軌嘉猷允塞亶矣君子其
儀不忒修詞立誠以匡王國言以文行貞兵由威克東畿

之政為邦之則天地長在春秋代遷今朝喪善何日生
賢蒿里誰地佳城許年永安舊里門館依然寢丘傳邑
京兆開阡勒名泉石以配青編

唐故秦州刺史陶公墓誌銘

公諱敬宣字文褒其先尋陽人因官徙籍今為合肥人
也西京作相開國封侯于是貽孫南國主盟長沙公茲
焉不朽籬邊黃菊解縣印以言歸嶺上白雲挂朝衣而
不返光靈攸屬固無得稱之丹青所存可畧而言也高
祖復右監門衛將軍曾祖琳建州錄事叅軍祖晟青州
博昌縣令皆天縱其能世濟其美韎韐君子屈迹于驍

游縉紳先生折腰於州縣積善餘慶明德後興考雅武
昌軍節度使贈太師楚惠公雲雷今上御名屯龍虎冥會橫琯戈

戈而蕩寇功冠一時裂鶉尾以疏封禮優萬方公即太
師第四子也幼而岐嶷長而俊茂非禮勿動時然後言
天祐中門廡起家太子校書遷至府長史賜緋魚袋丁
宣先公憂時年十四孝心昭感喪禮無違釋服除都官郎
中賜紫金魚袋改大理少卿青緘寓直時推伏閣之勤
丹筆持平人絕署門之歎俄遷江都少尹趙張治劇由
未表則之司淮海分疆自昔輕揚之地公處之貞固行
以廉平愛民則忠事長以順一圻欣賴三載有成遷大

徐馬君卷十五
理卿仍兼尹事烈祖孝高皇帝允釐百揆實總六師爰
求鄭國之良以貳楚人之廣奏請君判左右軍事丁酉
歲堯咨文禪禹迹中興徵舊德于角犀考官成于喉舌
拜工部尚書今上嗣位加金紫光祿大夫檢校太保會
閩人作梗王旅欲南聲實所資豫章為急故輟公副總
判軍府及羽檄四出芻輓相尋民以悅而忘勞事有備
而無患嶺表既定洪人亦康復移宛陵仍兼棣州刺史
海陵郡甸服之地邦賦最優歲比不登民用胥怨除泰
州刺史公以清淨為理仁恕積中視吏民其如傷守法
令而畫一餘糧棲畝無庚癸之呼白駒過隙感辰巳之

歲春秋五十有二保大八年夏四月十有八日卒于位
上省奏傷悼輟朝兩日有司考行賜謚曰順即以其年
月日權窆于東都明年月日葬于江都府縣里與前夫
人合祔焉禮也惟公冲和體質仁孝為基立身有常與
物無忤尤善聲韻聞音而知樂頗好篇詠下筆而成章
身後不留餘財所任必有遺愛求之作者斯亦難能嗣
子忝州司倉叅軍崇鼎崇諒崇倫等皆勤修令名夙奉
成訓君恩靡替家法如初鉉昔在朝行實惟舊好今從
左在宦仰醫東道痛死生之已矣感意氣以何報延陵挂
劍願保于不欺峴首刊碑終慙於妙絕銘曰

淮淝之靈衡霍之精必有賢傑為時而生乃伯乃仲乃
侯乃卿望冠六事風馳百城人生有涯大命夙傾不見
君子猶存鄭聲遠日既吉靈輻既行寂寞公館蕭條古
垆哀哀郡人泣涕沾纓嗚呼彼蒼不知福善之胡明

唐故金紫光祿大夫檢校司徒行少府監河南

方公墓誌銘

公諱訥字希仁其先河南人也後世從官徙籍新安支
派繁衍遂為郡之著姓迨公數世皆以儒雅退讓播為
門風曾祖顥登州文登縣令祖亮在武衛兵曹叅軍考
毅榮王府司馬母聶氏追封河南縣太君問政先生師

道之長女也公承積善之慶負夙成之智砥節礪行好
學能文時然後言非禮勿動鄉曲之黨翕然稱之太師
陶公來守新安撫納人士署為郡吏委以典籤恪恭詳
敏甚稱所職歷事累政其志如初烈祖肇基王業元宗
實綜軍政管紀之任勒擇其人聞公之名召至幕府王
國初建署寧國軍節度館驛巡官掌都統表奏皇室再
造慶賞遂行擢拜虞部員外郎掌元帥表奏數歲以皇
孫就傅命我侍讀講道贊德勵裨益之誠端已直躬盡
表微之節俄遷水部郎中明年皇孫封南昌王東都留
守以公為留守判官遷主客郎中叅贊政務事無違者

改司農少卿依前充職明年王移任宣任二州大都督
復以公為浙西營田副使通判軍府六載匪懈庶職交
修懋官之賞詔命疊委累遷至紫金山光祿大夫檢校司
徒封河南縣男俄拜泰州刺史充本州屯田監院使正
身而悉令以為理公無遺利民自從風屬強敵深侵東
京失守而州兵盡出人心大搖于是士庶老幼盡室南
渡公自歸闕下坐是除名數年除歙州團練判官上曰
戰爭之際吾豈以武勇責書生哉軍法不得不爾即召
拜太子右諭德今上嗣位遷少府監丙寅歲正月十六
日卒於京師美仁坊官舍享年七十七上為之廢朝一

日賜謚曰定以其年某月日葬于某所禮也前夫人謝
氏早亡繼室施氏封沛縣君長子前宣州寧國縣主簿
次子志饒州文學公以名教為樂以矩矱自任行必中
立居無惰容縉紳之間推為純行公之外祖得道之士
故公頗以朝禮修養為務雞鳴而起孜孜不倦年俯悼
耄體常強健及屬纊之晨無伏枕之疾斯亦力行之報
也鉉也不佞早辱交契昔先君從事黟歙公適仕本部
及公策名郎署鉉亦忝官聯既熟其素履願垂于不朽
附于史氏以永令猷其銘曰
聖人四教文行忠信惟公似之先有令問秉筆贊畫登

朝典郡寵至若驚道喪無悶年俯中壽官叅列卿歸全
委順終吉永貞宰樹長在高臺自傾用刊圓石閱此佳
城

唐故客省使壽昌殿承宣金紫光祿大夫檢校
太保使持節筠州諸軍事筠州刺史本州團
練使汝南縣開國男周君墓誌銘

公諱廷今上御名字正材洛陽人也岐山至德綿承颺者萬邦
洛宅舊都守枌榆者百世簪組相繼譜牒存焉曾祖侃
太常博士祖潛深州樂壽縣令避亂南徙因家廣陵考
延禧明經擢第有吳之霸受辟為淮南巡官累官至戶部郎

中與殷文公游貞公同掌翰林無祿早世故大位不躋
君即戶部第四子也幼而岐嶷長而篤厚躬行孝悌餘
力學文以蔭釋褐補弘文館校書試吏為池州司戶叅
軍改宣州寧國縣尉烈祖在藩乃睽舊族聞君修謹復
有吏能目表為黃州長史寵以朱紱置之府朝及受禪
遷通事舍人鴻業肇興王澤遐布贊導之任實寄司聽
護戎修聘觀風按獄受命而出動罔不臧歷事兩朝任
過彌厚賞賜既數階勲累遷而通事之任如故蓋惜其
能也保大七年轉將作少監判四方館事浩穰之地尹
正為難復以本官判江寧府事其間監諸侯之典者十

通四方之命者三攝州府之政者六按枉撓之獄者四
或敷惠於新附之俗或投忠於危亂之地本于忠而後
動忘其生而後存元宗嘉之以為客省使今上嗣位深
惟舊勞特加金紫光祿大夫台州刺史常御壽昌殿視
事中外之人咸得引見又以君為壽昌殿承宣出為忠
義軍監軍泉南等州宣諭使還遷筠州刺史本州團練
仍使充客省使君以備嘗艱危復迫遲暮懇辭繁劇恩
旨不從丙寅歲十月二十二日終于京師某里之官舍
春秋六十有六詔廢朝一日賜謚曰某明年正月某于
某所禮也夫人天水縣君姜氏輔佐之勤率由婦禮訓

誨諸子備有義方子大理評事宗儉太常寺奉禮郎宗
素及宗順宗信等皆儒謹且不墜其先鉉家世通舊嘗
接姻媿淡成之分終始不渝何以寘懷是用刊德其銘
曰
猗嗟周君世濟其名展如之人克嗣厥聲受任幹蠱臨
難忘身居中處約全和保真與物皆化萬古同塵松楸
勿伐蘭菊惟新刊石表墓于嗟善人

唐故朝議大夫行尚書禮部郎中柱國賜紫金

魚袋太原王君墓誌銘

君諱某字某其先太原人也昔者諸侯共職起末運于

鬯王諸后上賓示靈期于瞽史緹山維岳肇翦賁之崇
基汾水遂荒導沈渾之遠派其後金行云季貴種言還
行者制禮樂于土中處者保土園于淮左世濟之德鄉
人所宗故今為廬江人也曾祖廬江令祖洪州長史皆
有廉讓之風純粹之行得祿于仕不累于高考吳尚書
左司郎中贈太府卿負適用之才獲愛人之譽應星辰
而列位道邁朝倫 河海以命官禮優贈典君則府卿
之第三子也門風漸教天質孕和翼翼服勤真保家之
主惛惛若訥多長者之言墨妙筆精固稟于性奕思琴
德咸是所長幼有令聞獲鍾慈愛及加冠之歲以門子

劉宋抄不空

叙資漢室孝廉方從令史晉時英俊更屈下僚晨昏之
養有歸州縣之勞靡憚乾貞二年自黃州司馬遷洪州
都督府別駕治中懋績屏星煥其增華公府見知佩刀
由其受賜俄拜尚書度支員外再遷虞部郎中皆判吏
部兵部事夫當官匪懈伏閣之勤也照姦得情坐曹之
能也前史所躋君皆則焉頃之以親累解官君雅好玄
言夙尚閑適由是角中私第閉闔却掃交游罕得見其
面窮達不以介其懷用晦而明居貞以利高皇帝受禪
之始牽復疏恩拜工部郎中轉禮部郎中寓直中書省
預聞機密彤庭弘敞禁垣清切絲綸之出堯言于是惟

行樞機之微省樹由其勿洩方將振鱗溟渤驟首雲電
而生也有涯仁而不壽昇元六年夏六月二十有六日
卒于建康翔鸞里之官舍享年五十有一嗚呼哀哉惟
君孝於事親悌于事長和以接上廉以在公胥吏臣僕
靡不被仁恕之惠家人妻子未嘗見喜愠之容學古觀
書如恐弗及邇舊敬老周知其疲三德聿修五福斯闕
即世之日遺愛存焉卜遠不從旅殯京邑後四歲春二
月五日嗣子延紹延真等始備大葬之禮窆于江都縣
某鄉里從先鄉府君大塋與夫人李氏合祔焉禮也鉉
以世親之舊承子妻之知恕明德之不當痛祖行之斯

在退食自公薄送于畿刊樂石以爰紀庶令名之不虧
嗚呼哀哉其銘曰

汾州溶溶淮源颯颯興我宗兮世濟其美家餘其慶生
我公兮靖共正直言行名迹存南宮兮與義相扶知命
不憂永考終兮刊城之石蜀國之陽馬鬣封兮道不虛
行有令之子遵遺風兮

唐故奉化軍節度判官通判吉州軍州事朝議

大夫檢校尚書主客郎中驍騎尉賜紫金魚

袋趙君墓誌銘

君諱宣輔字仲申其先天水人也累世從官不常厥居

曾祖全真工部員外郎滕州刺史祖倚太子校書考台
歙州海寧令君即海寧府君第三子也生於廣陵長于
江左幼而俊敏博綜羣書尤善刑法之學烈祖輔政方
申明紀律君以是中選釋褐補江都府文學直刑部明
年改信州司法參軍察獄詳刑號為詳練久之召赴闕
以本官權叅元帥府法曹事踰年改大理評事元宗嗣
服之初精庶獄權要舉不附已者因中傷之君坐黜為饒
州司士叅軍明年王師伐閩護軍查公表君才可煩使
以本官判軍司事時頓兵深入自冬涉秋經束馬懸車
之塗督飛芻輓粟之後事集師尅君有力為師還加朝

散大夫行常州義興令推誠率下民用協和丁憂去職
復為江州錄事叅軍時連帥議浚湓浦以屯舟師詔從
之君以無益戎備而勞民力乃指陳利害抗疏極論上
甚嘉之即命止役由是遷大理司直通判蘄州軍州事
明年遷檢校水部員外郎充建州觀察推官通判軍府
事會越人闕邊使間誘建民將以為亂君廉得其實盡
按誅之優詔褒美賜衣一襲遷檢校屯田員外郎三年
徵拜守水部員外郎判度支時師旅荐興軍食不給命
君為沿江催運使輅傳所至轉輸如流朝論以姑熟居
畿甸之間實供億之始徙君為當塗令踰月復徵為主

客員外郎判大理寺賜紫金魚袋始君以理官得罪至是上知其無私故復任焉守官循理挺然中立轉工部員外郎仍判寺事今上嗣位上疏論時政以為刺史縣令親民之先而考績掄材未盡其理上深然之遷朝議大夫戶部員外充宣歙常潤等道安撫使以刺舉無避為權臣所排宸鑒昭明故得無咎使還以本官判兵部事廬陵羣盜充斥州兵不能制上憂之亟命君為奉化軍節度使判吉州事轉主客郎中擒姦摘伏克舉其職其年秋九月七日遇暴疾翌日終于郡之官舍享年六十有一明年春二月歸葬江寧府某所禮也夫人宣

氏吉王府長史昌之女也工部尚書文徽之妹婉孌之德閨房之秀內助著美士林所推子七人長曰鈞袁州新喻尉次曰錯樞密院承旨次曰鍾舉進士次曰銓前國子監三禮次曰鏗鉞鏗皆國子監生女一人適秘書省正字周希定君有孝悌之性聞于宗族敦然諾之信稱于友朋守已有常事君不諂位未達而知足祿雖優而彌貧其當官持事也必盡已所長不為利回不為威惕故屢失大臣意然好直之士亦以此多之鉉歎塵近職孰君操行直筆聳善以告後人故銘其墓曰
英英趙君松茂蘭薰應用以法飾身以文道直詞正心

平氣純如何不淑今也為塵金陵仙鄉古多名人歸骨
于是與善為隣泉臺不曉龍樹空春勒名挂劍慷慨沾
中

徐公文集卷第十五

徐公文集卷第十六

東海徐 鉉

唐故中書侍郎光政殿學士承旨昌黎韓公墓銘

唐故守尚書刑部侍郎喬公墓誌銘

唐故建州觀察處置等使陳公墓誌銘

唐故檢校司徒苗公墓誌銘

前虔州雩都縣令包府君墓誌銘

唐故常州團練判官檢校尚書左僕射劉君墓銘

唐故印府君墓誌

唐故御史中丞包君墓誌

唐故中書侍郎光政殿學士承旨昌黎韓公墓
銘

公諱熙載字叔言其先南陽人傳稱武王之穆詩美韓
侯受命晉以六卿升降漢以三傑重輕至東晉末征西
從事延之以忠義之節踐艱屯之運避亂遠徙遂家昌
黎餘慶流光寂為繁衍曾祖鈞太僕卿祖殷侍御史考
光嗣秘書少監淄青觀察支使故又為齊人公秉夙成
之智負不羈之才文高學深角加傑出年始弱冠遊於
洛陽聲名霽然一舉擢第曰光之亂藩郡崩離公以國
難方興家艱仍今上瞻御名烏擇木杖策渡江烈祖孝高皇帝

納麓在辰側席時彥得公甚喜賓禮有加于時有吳肇
基庶事草創公以俊邁之氣高視名流既絳灌之徒弗
容亦季孟之間不處以校書郎釋褐出為滁和常三州
從事公亦怡然不以屑意詠風月遊山水而已中興受
命上嗣撫軍以公有七子之才膺四友之拜徵為秘書
郎掌東宮文翰元宗深器之及踐位以為虞部員外郎
史館修撰賜緋又以大禮繁疊加太常博士時有司議
孝高廟宜稱宗司門郎中蕭君儼上疏論之公與給事
中江君文蔚協同其議凡書疏論難皆成于公手由是
廟號尊謚定于一言君子以為真博士也頃之以本官

權知制誥初公但以文章際會未嘗與政及其當維新之運感知已之恩未及聽政章疏相屬或駁正失禮或指摘時病由是大為權要所嫉竟罷其職丞相宗公朝之元老勢迫地高公又廷奏黨與詞旨深切天子優容之而用事者滋怒旋貶和州司士參軍數年移宣州節度推官徵還復為虞部員外郎遷郎中史館修撰賜紫俄拜中書舍人從時望也公雖才識優贍而質性踈散凡在位者道復不同於是深居移疾罕與朝謁時兵興之後國用不充公援古酌今請以錢為幣幣時獻封者甚衆元宗獨以公議為長即拜戶部侍郎充鑄錢使今上

踐位改吏部侍郎兼修國史初鑄錢之作也自宰執而下相與沮之故百司不供久未就上為之曉譬事理親加督責而公猶不勝其忿嘗因對見聲色俱厲因徙為秘書監不逾年復拜吏部侍郎新錢既行大濟經費詔賜錢二百萬拜兵部尚書充勤政殿學士承旨公少而放曠不拘小節及年位俱高彌自縱逸擁妓女奏清商士無賢愚皆得接待職務既簡稱疾不朝家人之節頗成寬易雖名重于世人亦訝其太過上不得已左遷太子右庶子分司南都于是謝遣伎樂單車首路留之未幾復為兵部尚書學士如故是時歲比旱歉主上憂勤

公復論刑政之源明防救之術又上格言五篇手詔嘉納即拜中書侍郎充光政殿學士承旨初上選近侍數臣直宿禁中常御光政殿召對夜分乃罷故命公此職以寵異之霖雨之望方深鍾漏之期遽迫通春秋六十有九庚午歲秋七月二十七日沒於京鳳臺里之官舍上省奏震悼為之涕流有司奏當輟朝三日手批天不憖遺碎我瑚璉辭章乍覽痛切孤心嗟乎抗直之言而今而後迨不得其過半聞聽者乎可別輟朝一日贈右僕射平章事仍官給葬事士庶聞之知與不知莫不為之悲嘆有司考行易名曰文靖即以其年九月某日葬于

某所禮也夫人隴西郡君李氏生簪纓之族有桃李之芳內則有光夜川先逝繼室北海縣君蔣氏長子疇為奉禮郎早卒次子侂為校書郎聰慧夙成無忝世德次曰佩曰份曰儼曰佺曰儔曰俛女四人或作公族或為媿媿出家嗚呼哀哉公之為人也美秀而文中立不倚率性而動不虞悔吝聞善若驚不屑毀譽提獎後進為之聲名片言可稱躬自諷誦再典歲舉取實去華故其門人多至清列屢從譴逐殆乎委頓俯視權倖終不降心見理尤速言事無避凡章疏焚藁之外尚盈編軸焉審音妙舞能書善畫風流儒雅遠近咸瞻向使檢以法度

加以慎重則古之賢相無以過也俸祿既厚賞賜常優
忘懷取適不事生計身歿之日四壁蕭然衾槨積皆
從恩賜詔集賢院編其遺文藏之祕閣凡所開卷可知
也鉉與公鄉里遼夙年輩相懸一言道合傾蓋如舊綢
繆臺閣契濶江湖區區之心困而獲雪一生一死何痛
如之援毫反袂識彼陵谷其銘曰

猗嗟韓公有蔚其文俊才絕俗逸氣凌雲高名直道玉
振蘭薰猗嗟韓公天賦忠規君臣之際言行俱危其身
可辱其節寧虧猗嗟韓公屈亦能伸松寒益茂玉焚始
真乃感明王乃為大臣送往事居不溜不磷嗚呼韓公

胡為而然閔此相印歸于夜泉茂陵遺簡京兆新阡斯
文不朽此別終天哀哉郢匠已矣牙絰勒銘圓石永識
桑田

唐故朝請大夫守尚書刑部侍郎柱國賜紫金

魚袋喬公墓誌銘并序

士有放懷夷曠介然中立外物無累於心沒齒不違于
道吾友喬公嘗從事於斯矣公諱匡舜字亞元廣陵高
郵人也曾祖譚祖泰皆不仕考鴻漸本縣尉家世清操
州閭稱之故其子孫必有興者公少好學善屬文弱冠
游京都詞藻典麗容止都雅烈祖輔政見而器之補祕

書省正字丞相宗楚公初獲進用位望日崇聞公之名
辟置門下每為文賦詩詠輒加稱賞由是名譽日洽而
鄉士大夫皆前席待之累遷大理評事司直監察御史
屯田員外郎從宗公出藩為江西浙西掌書記府公告
老歸九華山公乃升朝為駕部員外郎未幾守本官知
制誥就遷祠部郎中中書舍人典掌樞機周慎靜默凡
十餘年值邊境倣擾師出無功詔旨親征中外憂懼公
上疏極諫坐阻撓軍勢黜居臨川頃之宗公獲譴又以
故吏為累由是累年沉廢今上即位徵為水部員外郎
改司農少卿判太常寺轉殿中監修國史拜給事中權

知貢舉又兼獻納使遷刑部侍郎公自徵還數年間聯
歷清望蓋舊齒直道上簡聖心至是以老病不堪朝謁
聞上知其家貧詔以二卿之秩養疾壬申歲九月二十
有三日卒於京師濱江里官舍享年七十有五遺命以
周易孝經寘棺中太常考行易名曰貞即以其年冬十
月二十有三日葬于江寧縣某所禮也夫人太原縣君
郭氏代公立孫晉陵令喻之女也餘慶所被門風甚高
婦德母儀聞于宗族一子僧孺祕書省正字早卒孫諶
亦為正字公之為人寬簡真率常以詩酒自適不以勢
利縈心毀譽讒慝之詞聞之晏如也從事楚公府殆二

十年凡為府公見知者皆詭譎傾側公獨淡然無營守
正不諂故但以文義知賞未嘗任用烈祖下詔公卿舉
可以親民者楚公所荐非其人烈祖甚不悅謂給事中
常公夢錫曰吾望其荐匡舜也常公及中書侍郎韓公
熙載嫉楚公如讎而與公善嘗相謂曰宗公誤識亞元
正可怪也公之歷任奉法循理似不能言者及其臨危
擊節抗詞忤旨侃侃然有古人之風黜官奪祿甘貧守
約凡五年不形于色言恂恂然道家之流也故能享老
壽保康寧歸全委順斯可貴矣公臨終數日舍弟往候
之怡然言曰吾往矣君兄弟可各為一詩哭我翌日復

告門生曰吾已得徐君兄弟許我詩余無事矣甚忘懷
死生也如此嗚呼絮酒之禮已隔平生挂劍之信永界
穹壤故以二章為誌闕於九原所撰集七十餘卷編紀
之任屬于門人此不脩書也其詩云

舉世重文雅夫君更質真曾嗟混雞鶴終自異淄磷詞
賦離騷客封章諫諍臣襟懷襟道家侶標格古時人逸老
誠云福遺形未免貧求文空得草埋玉遂為塵靜想忘
年契冥恩接武晨連宵洽杯酒分日掌絲綸蠹簡書陳
事遺孤託世親前賢同此嘆非我獨沾巾

錯詩云

諸公長者鄭當時事事無心性坦夷但是登臨皆有作
未嘗相見不伸眉生前適意無過酒身後遺言只要詩
三百笑談成理命一篇投吊尚應知

唐故左右靜江軍都軍使忠義軍節度建州觀
察處置等使留後光祿大夫檢校太尉右威
衛大將軍臨穎縣開國子食邑五百戶陳公

墓誌銘

公諱德成字仲德其先潁川人也帝媯餘烈侯滿崇封
盛德之祀綿邈于百世光遠之慶蕃衍于萬國故我洪
胄代雄建安王室中微閩方角立網羅英異弘濟艱難

我曾祖茂新祖滔皆以雄才勇略奮揚忠力將領之任
生表其策勲督護之名沒垂于飾壤父誨檢校太尉兼
侍中建州刺史忠義軍節度使謚忠烈殊勲大節有信
史豐碑存焉公即忠烈公之長子也鍾粹和之氣秉冲
淡之心通習孫吳固其家法酷好墳典乃自天資就傳
之年已著名譽先公剖符劍浦威信洽聞諍子之助實
有其力弱冠為本郡裨將先公以身守邊郡心存本朝
累表遣公入宿衛即擢拜右千牛衛將軍充殿直指揮
使恭命畏法修身擇交先公每言邊事常密疏于紙遣
公上啟默識強記敷奏閑習元宗甚嘉之累遷右靜江

指揮使值淮上兵起王師不振公屢上書自奮詔隸西
北面行營以舟師趣濟難破其屯戍遂入海陵與諸軍
會勵兵固守強敵日益公連戰破之虜獲千計圍兵既
遁乃涉長淮指下蔡別率戰艦分擊浮橋高三中流鬼神
色自若自秋徂冬且戰且前凡五進軍壘皆以衆寡不
敵之勢當輕捍卒至之師臨難忘身每戰必捷而元戎
逗撓逆臣攜叛羣帥失道公全軍而還遷右宣威軍廂
虞侯侯制曰獨此一軍之衆堪為百戰之師其見稱如此
數月為和州刺史又為左天威將軍廂虞侯侯明年改池
州刺史是時疆場甫定閭井未完公奉法循理正身率

下庭無滯訟吏不生姦鉄軸牙檣無忘水犀之備輕裘
緩帶常為峴山之游賦詩紀頌粲然可述元宗南狩從
至石牌上每登臨置酒必命公陪侍訪山川之形勢問
風俗之美惡應對詳敏咸有條貫捧觴上壽進退由儀
求解印扈蹕優旨不許今上嗣服屢表乞還徵為右天
德軍都虞侯侯舊制常以舟師為下軍至是詔旨以南國
之用尚于舟楫今而後知非是乃簡練精銳置龍翔軍
以隸親衛命公為龍翔都虞侯侯舟師之重自茲始也會
先君來朝卧疾邸第公親侍醫藥躬執煩辱容貌瘠損
衣不解帶客至問疾者不知其已貴也及丁憂制憂毀

過禮扶護靈柩歸于建安詔起為歙州刺史本州團練使視事三載其理如初秩滿復為右龍翔諸軍都虞候遷都指揮使每仲秋講武訓兵仲冬而畢進退號令由公指顧威容嚴整觀者肅然頃之又為虔州巡檢使知州事五嶺之際地廣民悍內據谿洞外接蠻夷告奸教敷習以為俗于是申以刑政示以嚴明廣視聽審情偽吏以微文出入者皆面詰其狀莫不惕息退樂為之革人以之和於是浚溝隍嚴壁壘出私帑以助費因農隙而僱功凡書勞考績此其昭昭者也尋拜池州觀察使以其秩居虔州上以建安之地人思舊德且欲以畫錦

之盛顯公之能乃除忠義軍節度使建州觀察處置等使留後公以奉違歲久無以私為抗表來朝固辭不拜改右威衛大將軍充左右靜江都軍使又轉光祿大夫檢校太尉奉以建州之祿歲計千萬甲第廐馬賜與優渥俄而被疾自識終期申告理命備有規度中使問疾但曰世受主恩未有以報唯此為恨耳又親問門吏草遺奏既成自益兩句曰苟游岱之有知必結草以為報上省表震悼手詔答之公猶捧詔向闕稽首流涕壬申歲秋七月十有二日卒於建業江濱里之官舍春秋四十上痛惜之至再不視朝贈安南大都護遣中使監護

葬事皆從官給有司考行易名曰烈即以其年九月日
葬于某所從理命也夫人信都郡君刁氏故昭武軍節
度使能之女容德之美閨房之秀宜家睦族光此門風
子儋孝友聰慧修詞好學以蔭起家授著作佐郎必大
之慶其在于是嗚呼哀哉公生於戎馬之際長承鐘鼎
之業修文習武全孝資忠風格端莊襟懷夷直嫉惡獎
善如恐不及穆親念舊無有所遺先人之費公私畢給
出入數載家為之貧在公之餘手不釋卷篇詠詞筆皆
傳於時近代儒學將唯公而已凡四點藩郡皆有借留
去思之美民到于今稱之由是恩顧獨隆委遇無間修

塗方騁大年不登知與不知皆為悲歎鉉與公非故特
以道義相期雖復出處不齊班序致隔金蘭之分終始
不渝寢門流慟痛生死之永已圓石表墓患陵谷之靡
常亦公之遺言以此見頌託豈非慷慨之氣思振發于知
已哉故為銘曰
龍泉之靈武夷之英生我儒將垂茲令名臨戎有勇察
俗有聲為臣之節與世作程成位逼建牙秩叅掌武才實
膺時忠惟得主鬱此雄圖溘然中露謂天蓋高不可以
翹悲哉俊氣永已荒丘鳳臺遺館梅嶺窮秋樹惟挂劍
地即眠牛餘芳不泯淮水長流

唐故檢校司徒行右千牛衛將軍苗公墓誌銘
公諱延祿字世功其先上黨人昔者楚多淫刑賁始逃
難晉賴謀主苗受其封高門之慶雄視欒郟綿綿承
翼翼孫謀存諸簡編可以揚推延洪于我七代祖中書
舍人延嗣光大於我六代祖太師晉卿源流繁衍蔚為
甲族中朝喪亂後裔播遷匿迹淮楚之間今為盱眙人
也先公諱隣生於兵戎之間長集旗鼓之用遭遇英主
建功立事出為泗州防禦使入為靖江軍統軍世卿之
祀衰而復振公即靖江之長子也弱不好弄壯而有立
負雄勇之量不以驕人秉剛直之資未嘗忤物持重善

戰默識寡言時輩推之以為君子初先公奉王略領偏
師南破山越西定江楚東絕滄海北捍徐戎弓不解卷
兵不匣及公年甫弱冠寔參其間擐旗斬將所向披靡
宣力用於君父舒壯氣於風雲然而職以序遷蓋歸美
於先公也烈祖孝高皇帝中興大業疇咨舊人命公領
泗上精兵入為宣威軍裨將六卿之選以翼京師八屯
之權實資宿衛歷紀授任一心靡渝今上祇嗣鴻圖益
宣朝寄揔千牛之士以為心膂假五教之秩以崇班列
會侍中燕王以帝子之重兼鎮兩藩詳求命卿以事大
國俾公提步卒屯宣城凡甲兵壁壘之事皆聽於公夙

夜惟勤燥濕生疾春秋六十一保大九年十月七日卒
于宣州公署上省奏傷悼為之罷朝送終之禮有以加
等即以其年十二月二十七日葬于江寧府縣里禮也
夫人王氏淮南裨將唐之長女也先公負游俠之氣有
征討之功勇冠三軍力制奔虎夫人麗桃李之質襲蘭
薰之芳婦禮律修遺訓無墜君子以孝慈率教夫人以
嚴正克家閨門之理寔有內助以保大八年五月一日
先公而逝今始祔焉子全厚全贍全節全義全海皆有
父風苗氏為不朽也鉉本自世親早為姻族歎封侯於
李廣發哀詞于杜篤刻翠琰于荒阡擬高陵于深谷其

銘曰

才之後兮將之雄位之侯兮壽未中天難諶兮人云亡
川既逝兮歲將窮素車兮丹旒白草兮青松悲雄心與
壯氣漸荆棘兮蒙寵

前虔州雩都縣令包府君墓銘

誌鉉序
踏銘

昔者鄭都涕產知懷仁之有誠孔門慟淵見福善之無
驗遺恨千古可勝言乎君諱詠字義修其先延陵人漢
大鴻臚咸之後也曾祖章祖岌皆眷戀本土卒于下寮
考洎遇故侍中寶之亂乃去仕唐吉州長史入吳終和
州歷陽令政有遺愛故家為今為歷陽人也君幼而岐

徐馬省卷五
竊長而學問孝敬自律名利弗嬰安貧怡然綽有餘裕
順義末丁先府君憂泣血絕漿杖而後起朝廷獎勸善
政砥礪淳風即起君為歷陽主簿秩未滿移知含山縣
令先是兵興之後循吏用稀君簡法舒刑約廉敦信縣
無逋事吏不能欺蒞官七考清嘯而已選授知虔州雩
都令西楚之地南際殊隣本之以蠻蜒之風因之以教
敷之衆長鯨之戮雖久碩鼠之刺猶繁君下車考政經
察人病矯異俗均地征常為諸邑之最吏民上書借替
期求真命者無虛歲矣而懋賞弗臻成功輒去解印之
日單車即塗君素多疾至是增劇以己亥歲秋九月十

九日終於歷陽馴翟里之私第享年四十有一以其年
冬十一月六日墓於本縣本鄉許思里祔先君長史之
塋禮也君前娶潁川陳氏後娶樂氏花氏皆良家之子
淑德不與二子曰德容德鈞二女皆佩觿非角之歲君
天資貞吉立性和雅尊敬師友敦睦親姻移之於官故
所至皆理而位不忝于朝籍年不登於下壽能無遺恨
乎鉉兄弟少孤長于舅氏親承撫卹勉以進修門今上不
傾君之力也嗚呼渭陽之贈已矣寧追逝川之嘆哀哉
何極故拂貞珉紀述遺德庶深谷以徒遷見清芬之未
泯其詞曰

懿哉華族鴻臚有聞家餘厥慶世濟其文祉祚鍾積實
生我君惟君之生姿性天成清談變馬寶思凌雲道光
表式才中銓衡爰職縣符政閑務舉旋綏二邑鳧飛鸞
舞天亦難謀俄悲物故驚波易邈陽露難收荒郊落日
宿莽窮秋銘茲幽壤永樹芳猷

唐故常州團練判官檢校尚書左僕射劉君墓

誌

夫資忠全孝含貞履潔君子所以沒身而守之聖人所
以屈已而申之其道可傳其風可仰嗚呼劉君其殆庶
乎君諱部字巨源其先彭城人徙居廣陵重世矣曾祖

永澧州司戶參軍祖審不仕考瓌檢校戶部尚書贈右
僕射君生而岐嶷有異常童五歲而孤即稟至性年在
幼學卓然老成初先君事吳實幹近職而太夫人王氏
與貞穆皇后復有姻舊故宣帝命君使事丹陽公府公
龍飛以君為殿前承旨便蕃左右靖恭夙夜動必稱職
人無間言二十年間累遷檢校禮部尚書充宗賢殿使
及轉俯代謝衆或將迎君侃然正色有死無二游說之
詞不能入權利之勢不能動于是闔豎希旨以飛語中
之坐除名流池陽郡明年有唐受禪烈祖嘉君盡忠亟
召之還除常州長史悉還其官階田宅未幾又改和州

長史聽歸廣陵舊居初元宗方在膠庠吳帝使君召拜
郎中賜以章綬自爾至於為相每朝謁必先見君而後
入及元宗即位召至京師復命太夫人入禁中如身穆
之時謂曰吾受吳朝恩禮不敢忘也今猶數夢讓皇帝
執臣子之禮吾觀當時近臣唯夫人兒為長者帝意親
之今復得在吾左右良足慰也君聞之遂稱足疾不任
趨拜上仍賜第以居之歲時錫賚甚厚時使親近諭旨
竟不能移上乃加太夫人封邑召君受命于朝固辭以
疾上嘆息曰此子至孝今以其母故召之不來是必然
也此亦古人所難吾何為奪其節耶久之以君為常州

團練判官不使之仕優其祿而已今上嗣位加檢校
僕射君家承鐘鼎之富少居綺紈之職時逢革故年俯
壯室而遂閉門却掃高謝人間孜孜色養怡怡自然
族以之肅穆士友以之景仰名節終始清風邈然丙寅
歲夏六月某日終於建安某坊之私第春秋五十有九
初君葬太夫人於茅山良常洞之西因自卜塋地即以
其年月日葬焉禮也前夫人張氏早亡今夫人吳氏實
有萊妻之賢能從伯鸞之操天資玉映令聞薰蘭子昭
嗣女某等善慶所鍾家聲不墮愛敬哀感在禮無違嗚
呼令人其必有後鉉家世通舊復連懿親常以君抗節

徐馬君卷之二
遺世既近代之孤標而元宗推誠聳善又列辟之難事
足以激揚薄俗垂示將來乃為銘曰

忠於事君孝於養親逢時有道以義衛身隱不絕俗居
能保真我永終吉誰為古人地肺之原三茅之麓左盼
岡前瞻柳谷藥棘新吹松楸再下令聞昭顯流光似
續刻此苔華永芳蘭菊

唐故印府君墓誌

君諱某字某其先京兆人也因官徙牒遂居建康曾祖
知章無祿早世祖某官考某官君幼而勤學長而力行
孝悌著於家庭信義行于州里弱冠明經擢第釋褐太

子校書千里之時時輩推許會上國喪亂遂南奔豫章
連帥鍾公見而悅之辟為從事豫章府變始歸建康井
邑更移親舊泯沒君慨然悲世難之未已感宦路之多
艱于是抗志衡門息機世表樂山水寡言語極談不過
經籍之事足迹不游鄉相之門篤好六經歲誦再徧雖
憂慘疾病未嘗廢也孜孜焉修善如不及恂恂焉與人
無間言保大丙寅夏四月日考終命臨終訓勵諸子備
有嚴誡如魏顆之命無莊舄之吟春秋六十有九夫人
徐氏通儒書有婦德先公而逝即以其年月日合葬於
某所禮也子宗禮崇祭舉進士宗簡明法及第為舒州

徐馬才考
司法叅軍秀茂之業聞於場中咸以為印氏之門其後
必大諸子以我宗之自出故銘譔是求銘曰
於惟穆氏代有君子恂恂若人亦既克似退不立壑進
不朝市體道居貞全高沒齒後造之學施於後嗣昭昭
令名與石無已

唐故銀青光祿大夫檢校國子祭酒御史中丞

包君墓誌

君諱諤字直臣丹陽延陵人也粵我長源發於夏后分
封受代著於會稽司農而後代有賢哲轉徙旁郡遂家
延陵種德流光世為大姓曾祖某丹陽令祖岷潤州錄

事叅軍考洎和州歷陽令業官之美播于氓頌公以廣
明庚子歲生於丹陽長于戎馬之間遂好金鼓之政氣
質慷慨而孝于事親材用敏幹而慎於畏法命不我與
事多無成高皇帝兼摠六師以轉王室署君牙門右職
將進用之君以歷陽府君喜懼之年辭歸就養因隸歷
陽軍中自是服勤祇役多在外郡家貧援寡仕不求聞
三十餘年有勞無過養心知命以保遐齡交泰元年春
二月日卒於鄱陽舟中春秋七十有九夫人危氏故賀
州刺史韓德卿之女也婦道以順家政以嚴內慎有光
六姻是則子三人曰會宗曰穎曰銳皆敬述先志勤修

徐馬君卷十七
今名號奉靈輓輓俯就成制則以其年月日葬于江寧縣
某里禮也某感深自出名謝貴甥載悲渭陽之詩永痛
西州之豎敬書遺懿以鏤貞珉其銘曰
猗歟府君世載其聞有道無命與俗同羣代耕得祿全
和保真享壽八十下從先人乃整歸艗秦淮之濱乃卜
玄宅白金之陵不可不識封丘勒銘悠悠餘慶永永芳
塵

徐公文集卷第十六

徐公文集卷第十七

東海徐 鉉

岐王墓誌銘

故平昌君孟氏墓銘

故昭容吉氏墓銘

唐故鍾氏太夫人太原縣太君王氏墓銘

唐故太原府君夫人彭城劉氏墓銘

唐故隴西李氏夫人墓銘

唐故文水縣君王氏夫人墓銘

岐王墓銘

天地之靈氣發為賢人邦家之積慶鍾于公族其或富
老成之智促殤子之年感羣情者自出於天資垂吳聲
者非由於事業是以蒼舒軫悼于魏祖表行曰哀夏王
鍾愛于明皇錫名為一中興在運代有人傑見于岐王
矣王諱仲宣今上之第二子也文武儲慶日月翰祥實
太如之子如魯桓之貴天質秀發神機內融亦既免懷
未遑就傅問安長樂視膳寢門承歡愛於瑤齋極友悌
于朱邸成人之量宛由生知三歲受封為宣城郡公假
大司馬之秩維城之望日以光矣不幸_{今上御名}疾甲子歲冬
十月二日薨於閣內年四歲主上痛幼敏之異極天慈

之懷詔輟朝七日冊贈司徒追封岐王既而感上聖之
忘情遵先王之從儉節哀簡禮以厚古風即以其月十
有八日脩鹵簿鼓吹葬于江寧府某縣某里之原有司
謚曰懷獻禮也惟王以襁褓之年蘊金玉之度異迹昭
灼可得而言至如禁中娛侍常在左右或異宮一日則
思戀通宵翌旦未明必親至御幄湏奉顏色然後即安
其孝也如此上每罷朝稍晏莊色未迴王則儼然侍立
不妄言笑湏天顏悅懌則趨就膝下怡怡雜戲不失其
儀中宮以上之鍾愛恐漸于驕故撫字之方威克于愛
每加教訓過於嚴厲而王凜然祇畏初不讓容退或見

上乃啼而自悔其敬也如此始二歲上親授以孝經襍
言雖未盡識其字而每至發端止句之處皆嘿記不忘
至于寢疾近數千言矣時聽奏樂必振袂擊節咸中律
度工人試中變其曲王輒止之曰非前曲也雖周郎之
顧何以加焉其慧也如此受封之日見于內殿詞音宣
朗容止閑習觀之者咸嘆重焉其敏也如此凡玩好之
物意有欲者瞬目賞譽未嘗求索識其意持以與之必
再三推却不肯即受受其毅也如此上曰昔人謂王勣
為神仙童子今此兒近是乎及其薨也悼念之甚曰吾
見佗人賢子弟猶惜之豈惟父子之性乎中宮哀慟至

於加疾自非英姿感動孰能臻此哉議者以為列宿淪
精高真降迹表瑞王室今復還矣嗚呼凡我臣庶暨乎
藩戚瞻飛蓋之何期慨神理之難測寧盡美于稱讚庶
騰芳於簡冊詞臣奉詔謹勒貞石其銘曰

粵我仙源流光慶延公族之異惟王生焉禮詩仁孝斯
謂之賢夙習非學生知自天既與之智胡奪之年瞻庭
蘭刈顧掌珠捐孟冬寒氣京兆新阡鼓吹蕭蕭旌旗翩
翩踈逸躅於稚齒閱藩房于夜泉已焉哉庶彭殤之一
夢豈沒世之無傳

嗚呼庭蘭伊何方春而零掌珠伊何在玩而傾珠沉媚

澤蘭隕芳馨人猶沮恨我若為情蕭蕭極野寂寂重扃
與子長訣揮涕吞聲噫嘻哀哉

又銘一首

至尊所作上省庭蘭掌珠之句謂得比興之實遂廣其
意發為斯文親遷宸翰批於紙尾足以厚君親之義行
孝慈之風是用勒石永光泉戶謹記

故平昌郡君孟氏墓銘

太歲癸卯五月十有九日大行皇帝諸妃平昌郡君歿
於大內之別院享年四十有三嗚呼哀哉昔天保未定
大東啟其疆魯道有蕩三桓紀其政實始孟氏伏為強

宗德厚流光之符祥發慶膺之効宜乎來裔生此淑人
曾祖某祖造父及皆以含道居貞邈世無悶克家垂訓
式永門風郡君麗窈窕之容秉肅雍之德游移漢水氣
兆河間乃膺八月之求入預良家之選璧門受職彤管
服勤恭順之心奉坤儀而得禮明惠之智導宮教而無
遺爰屬造邦遂崇封邑路寢之後柔芳載揚既而千載
上仙宮車晏駕號遺弓於萬國感餘香于九御沈哀共
極美疹獨縈不延幽窆之期重惻上宮之念嗚呼哀哉
即以其年六月日葬于江寧縣安德鄉德信里之原禮
也青鳥烏既吉覆斧斯營永光烈女之風畫紀他山之石

詞臣奉詔謹勒銘曰

杳杳平野蕭蕭一丘原松積霽隴吹臨秋于嗟淑女於此藏身委貞質兮厚夜奉靈駕兮仙游惟悼史兮未泯豈餘芳兮不休嗚呼哀哉

故昭容吉氏墓誌

天子建內官必先令德九嬪掌婦學以教六宮是故壺則成風漢濱流化者矣昭容吉氏麗瑤姬之質富班女之文治絲枲以服勤宮功有序徹棗盛而舉職祀先無愆用能妙簡皇心光膺盛典頃錫粉田之賦日開左輔之封嗣服之初日不暇給視月卿而命秩近正朝恩閱

逝水以成川俄悲異物春秋三十有三保大三年秋七月二日薨于別宮皇帝悼之廢朝一日遺奠之禮有加等焉即以某年月日葬于上元縣龍城鄉之原禮也昭容諱某字東海胸山人也曾祖徵朗州龍溪縣令祖黨壽陽縣令父彥輝海州懷仁縣令咸膺鄉里之選屈從州縣之勞有利物之能不享其位垂積善之慶克茂其宗著籍金門移家戚里昭映博史不其美歟詞臣奉旨式揚懿德庶使高深自改長延丹砌之恩金石無虧仰慰壁臺之念其詞曰

吉甫作頌穆如清風儲慶炳靈寶生昭容史曰明智詩

云肅雍內職以理柔芳有融閱川宵奔燃膏曉滅西陸
移景涼風殺節虞殞流聲遣車成烈茗華不磨蘭菊無
絕

唐故鍾氏太夫人太原縣太君王氏墓銘

夫人太原祁人也因官徙籍遂居豫章自緱嶺肇基晉
陽錫壤光靈繁祉蔚為大宗圭組簪纓與世升降聖曆
中否我亦不彰故祖考某皆蘊道居貞流謙毓德夫人
有金玉之質桃李之姿柔順睦姻以奉慈訓組紉織紵
幸勵家風宗族里閭莫不稱美先公司徒纘戎嗣服實
臨我邦夫人誕昭四德之華用光九女之選門內之理

實皆聽之家人尚嚴婦道貴順主饋以敬均養以慈契
濶夷險始終若一邦君內則皆取正焉嗚呼昊天不庸
路寢即順夫人棘心蓬首率由舊章素尚空玄益所明
習常齋居晏處諷誦真文雖祁寒盛暑未嘗廢也又以
恭儉孝悌文學道義訓勵子弟皆成其名保大年詔
封太原縣太君從子貴也二子長曰懷建由校書郎歷
東府擢以羣從百口家于豫章於是辭祿公朝歸綜司
政因除洪州都督府司馬次曰舊以屬詞敦行從事戚
藩累登臺郎為集賢殿學士會中令齊王避親讓寵授
鉞臨川朝廷慎選英僚以光幕府除撫州觀察判官檢

校屯田郎中既拜而夫人疾亟交泰元年春二月十八日卒於京師嘉瑞坊之官舍享年七十有五即以其年月日歸葬于洪州某縣某里之原禮也嗚呼富壽戩穀天所以祐善金石銘譔世所以垂範也二者無愧可謂賢哉鉉早奉世親晚連姻好景行懿德敢用直書其銘

曰

緱山不傾清淮不湮故我王氏實生令人衛姬之智孟母之仁光昭祖禰垂慶來雲西山之陽章江之濱靈山攸宅松檟相因遐壽歸全以反吾真

唐故太原府君夫人彭城劉氏墓銘

夫人麗窈窕之容蘊幽閒之德孝敬肇于天性明惠本於生知光乎六姻是謂賢女初我大父殷考遇皆立功興運蔚為將臣婚姻之盛冠彼當代故夫人既笄歸于我府君君諱承進壽州節度使國公之第三子也二族斯睦百兩是將婦禮之嚴家道爰正府君性踈直喜賓客理劇如簡不以世務嬰心行已取適不以家財為重鐘鼎之族化為簞瓢夫人雅性冥然自足慈和待物恭儉飭躬子孫以之而克家僕御以之而服教及罹蓬首之痛擔全柏舟之德柔芬方遠景命不融春秋四十有九戊午夏六月某日終於京師濱江坊里第子某等俯

徐馬不考
就成制號奉靈輅即以某年月日葬于某鄉祔府君之
塋禮也鉉幸忝諸壻獲從外姻載陳執紼之儀仍奉懷
鉉之託敢書懿範以鏤貞珉其詞曰

嗟淑女兮仁慈肅雍伊君子兮亮簡踈通合二姓兮五
侯之宗垂內則兮素士之風悲秋霜與冬霰摧女蘿與
青松念光塵之倏忽獨天長兮無窮

唐故隴西李氏夫人墓銘

夫人諱某字某其先太原人故左司郎中贈太府卿諱
潛之孫今太弟洗馬裔之第三女也伯仲世父皆踐歷
臺閣抑揚聲實相糾以孝相高以讓芝蘭桃李閨庭燦

然夫人襲圭組之英發為秀色鍾姻睦之氣凝為淑性
柔而有則愛而不驕紉組之工翰墨之妙稟自天性能
必過人及長歸於李君君名俛故楚州刺史諱承嗣之
孫今禮部尚書度之少子也舅甥之故齊魯之匹好合
之美潘楊之風夫人移天睦族率由典禮不恃舊以廢
職不矜能而怠敬門內之理清芬穆然嗚呼嚴霜春零
薜華朝墜享年二十有五某年月日卒於京師某里之
寓居二族悲慟六姻悽愴仁而不壽古則有之以其某
年月日葬于江寧縣某鄉里之原禮也東海徐鉉以世
親之舊實維私之敬執紼永悼刊石為銘銘曰

天之命兮不可知生此賢女兮鍾淑姿嬪于盛族兮昭
令儀與之才兮不與之壽永凋落兮芳時儼黼翬道靈
輻小江村兮長江湄千秋萬代兮草離離空餘初月如
蛾眉

唐故文水縣君王氏夫人墓銘

夫人諱晚字國香其先太原人今為廬江人也祖潛左
司郎中贈太府卿考坦禮部郎中皆以貞幹純懿見稱
于時夫人麗窈窕之容秉明慧之性幼失所恃事繼親
以孝聞在家不違于姆師移天不失于婦順初先姑之
治也嚴而有惠通而得禮夫人觀形稟教莫不率循故

三十餘年門風家法凜然如舊世尚靜退不樂世喧始
愚之在要職也夫人憂形于色及其居處所反欣然忘
貧此其所以為異也雖門族素盛而世塗多故祿賜所
入賙給無遺豐約同之親疎如一至於澣濯之儉組紉
之勤繫藻盡敬儒立勵操環珮中節始終不渝少善秦
聲長亦捨棄每晨興誦五千言而已享年五十戊辰歲
八月一日終于京師舜澤里之官舍其年十月二十三
日歸窆于西山洪崖鄉鸞岡里從先姑大塋禮也有子
曰夷直女曰神華林華嗚呼愚常以體道安命為懷而
情之所鍾不知其慟銜涕秉筆庶不泯其聲塵焉銘曰

緱嶺之靈生此淑人洪崖之濱寄此新墳生與道居俱沒
與仙隣悠悠精爽豈或為塵嗚呼吾信積善之必爾故
攄恨於斯文

徐公文集卷第十七



